

直隸霍州志卷二十四 上冊

列女 賢媛 誠早婚說並附

本州

元

郭氏程代兒妻名綵雲代兒隨父宦遊未還其姑閻氏空房娶之後至正十八年掃地王兵過姑攜二幼同避於土洞兵至大索之同避者皆出惟郭挽姑衣曰妾夫尚未見面倘一失節他日何顏見夫耶堅執不出遂被火燻死

直隸霍州志

卷二十四

列女 上冊

一

李氏趙信妻信卒氏年二十四歲事舅姑益孝比卒竭力以供葬事撫其子習儒年六十餘卒至治中旌其門見通志

明

劉氏李謙妻必祿之女也謙亡遺幼子二家極貧舅姑已老氏日事紡績以給贍養舅姑卒殯葬如禮後仲子恂登宏治己酉鄉薦知州張紀詳請旌表如制
史氏知府素之女適郡人周麟少有淑德麟亡氏躬紡織奉翁姑撫幼子持節久而愈勵詔旌其門



史氏宋福善妻夫亡氏年十九歲三月生遺腹子郁撫育備至五十年始終一節閭里高之

李氏舉人張坦妻坦卒時氏年二十一歲遺子恬有勸之再適者氏叱曰吾夫弱冠成名而孽息可倚豈肯違節行耶守節五十餘年嘉靖三十二年按臺李表其閭

衛氏生員宋鏞妻鏞亡年甚少其家逼令改適至訟於官得全其節知州宇文鏞上其事詔旌其門

安氏任釗妻釗亡勵節撫孤苦守五十年教子成名崇

直隸霍州志

卷十四

列女
上冊

二

禎年御史奏建坊旌表

李氏任光濟妻年二十七歲濟亡氏毀容斷髮誓死無二事姑訓子孝慈兼盡後以子歷任真陽縣知縣封孺人

朱氏周洪陞妻苦節見孝義

郭氏朱毓彝妻節烈見孝義

楊氏庠生周崇妻家甚貧崇早歿氏一無所倚日事紡績累不能舉火乃以繩束腰忍餓終身困極而死州人公舉建坊旌表

高氏封恭人失其夫姓名十八歲夫亡翁姑在堂家貧無子恃紡績以養值寇亂恐罹於賊憤而投井鄰人救援復甦崇禎十六年題請建坊

張氏

成忠毅公德母

成六妹成七妹

忠毅妹

劉氏

忠毅夫人

蕭氏童氏

忠毅妾

成二小

忠毅幼女

按忠毅以崇禎乙亥誣逮入京忠毅具疏申理真情母張氏實爲之行蓋忠毅父鹿崗先生主之也故有繞輿罵溫體仁事時鹿崗先生寓居順義閱時未久值順義城破以罵賊死忠毅六妹季白繼父死妾蕭

氏童氏亦自縊死夫人劉氏先勒幼女二小死旋自縊爲婢捨兒解救得不死後以誣贓六千七百餘金義不受追呼復自縊死死時尸香三日其事具見公自爲一門死節六命行畧中崇禎甲申之變忠毅七妹年二十餘因家難未嫁忠毅奠莊烈帝梓宮畢歸家顧七妹曰兄死妹何依七妹請先忠毅哭而視其縊乃入別母張氏自縊死張氏亦死此見明史列傳又州志平陽府志載公繼妻霍氏與死甲申之難臨晉縣志亦載公有妾與妹同縊死而明史列傳則繼

妻與妾皆無之又考行畧中所載公長女大小曾與七妹同避寇深山以理臆之公入官兵部時當與七妹相隨入京則大小亦當同死於國難然無可考矣舊志脫漏舛謬今悉正之庶幾貞魂烈魄不爲粗心人所湮沒也

安氏封安人忠節公任光裕妻忠節殉難後氏忍死和丸上嘉其節敕建坊旌表

國朝

郝氏江西德化尹李惟杞妻杞被魏璫禍而歿官邸赤

直隸霍州志

卷二

列女
上冊

四

貧氏於五千里外攜二幼子扶柩歸葬值大荒幾死撫孤泣日李氏只此兩兒死生與共豈有他焉苦節五十餘年長子思民中順治丁酉庚子兩科副榜

安氏周錫爵妻年十六爵亡遺腹生子浩截髮守貞孀居四十年士民公舉本州表其門

周貞女周錫袞女字劉宏芳年十五歸有期宏芳卒女欲自盡家人防衛甚至乃減飲食漸積羸弱不數月而死士民公舉本州表其門

杜氏武生劉煌妻聰慧能書尚未有子煌卒於平陽客

舍櫬還氏哭之慟決志從死於未殯前一日自縊檢衣帶中有遺書曰爲夫盡節毫無爭端蓋慮其母氏之有異言也司李鄒某請於朝旌表如制

荀氏廩生閻名通繼妻生一子通前妻亦有一子通故撫二子無異稱純節焉卒年七十歲上臺匾旌之

賀氏朱充譙妻夫亡氏年二十五歲無子苦節六十年曹氏黃家相妻相亡氏年二十七有子十歲餘以兵亂出亡曹孤苦紡績以爲生有勸令他適者輒叱之後子歸益貧困氏教以耕且讀卒有成焉

李氏邢其慈妻年十八慈亡無子李毀容閉戶絕親故往來苦節三十餘年卒

許氏廩生邢其恕側室其恕客淮揚娶氏甫生一子恕卽歿柩將歸里母姊昆弟留之曰恕家有嫡妻且汝南人不習北方衣食汝無往氏曰吾家邢門死亦宜往及至事嫡妻惟謹終以哭泣成疾而死

楊氏晁應春妻夫亡氏年十八歲家赤貧矢志撫孤迄用有成年八十餘卒

郭氏庠生韋文璧妻璧勤學死氏年十九有子月餘乃

嚙指示父曰吾有子矣誓不再嫁後翁寢疾氏朝夕奉侍卽便溺皆護持之翁歿變產殯葬不顧家計繼姑亡亦如之苦節賢孝鄉里無間言

喬氏庠生張永光妻光亡氏年二十餘誓以死守撫孤泣曰吾不隨汝父死者爲有汝耳俟汝有成吾瞑目無恨生平寡言笑減飲食嚴內外清節自持足爲閨

閩風

關氏成嘉燦妻年二十歲夫亡指日以誓家極貧茹蘗飲冰撫孤成立及國稅大事皆取諸紡績焉苦節四

直隸霍州志

卷十四

列女
上冊

六

十餘年

郭氏馬載書妻生員馬龍騷母年二十喪夫子三歲堅貞自矢歷險遭亂襁負避難年饑採藜藿爲飯有勸更嫁者因斷髮毀容以示之年逾七十而卒

張氏韓志科妻夫亡氏年二十四歲子育俊尚幼紡績度日撫養成人娶媳朱氏年十九方有娠育俊病篤執朱手囑曰我病已不起母老無他兄弟奉養汝肯終養吾母死瞑目矣及卒朱氏誓死毀容與孀姑相依歷五十年慈孝之聲溢於閭里崇禎間上臺匾旌

節孝可風

趙氏朱鼐鍵妻夫亡氏年十八歲冰霜自勵備歷艱辛
苦節六十二載子翼聖

朱氏范嘉賓妻孀居二十餘年撫二幼子成立紡績度
日艱辛萬狀鄉黨稱之

劉氏楊文芳妻年十六生子肇泰夫出遊一年而訃音
至氏忍死守節奉事舅姑撫子成立皆取給紡績焉
楊氏廩生安正妻夫亡年僅十九斷髮毀容誓死守節
二十餘載貞操益勵教子業儒俱能成立

直隸霍州志

卷十四

列女
上冊

七

程氏廩生楊翼妻翼病篤氏語夫曰君死妾不獨生翼
卒氏盡鬻其產厚殮之掩戶盥沐自經柩側

韋氏廩生安承教之嫡母其夫應經商於楚魯遂歿焉
氏茹荼守志孝事舅姑慈撫幼子卒年八十五歲
以上係舊志

郭氏石煥妻 姜氏劉潤沂妻 喬氏安演妻

朱氏周奇英妻 任氏張懷德妻 李氏翟盛朝妻

朱氏張永燿妻 王氏薛所安妻 馬氏朱學熹妻

高氏楊雄妻 朱氏韋運達妻 韋氏安應經妻

賀氏武興忠妻 以上係節孝祠有木主事實失考

胡氏廩生薛嶠妻年二十四歲夫亡奉養翁姑盡誠盡禮撫姪以延夫嗣苦節三十五年乾隆六年 旌表

馬氏董直陳妻夫亡年十九歲矢志撫孤事舅姑以孝聞子亦入泮苦節五十一年乾隆六年 旌表

荀氏生員任廷佐妻年二十七歲夫亡氏事翁姑喪葬皆如禮訓子成名苦節四十二年乾隆六年 旌表

薛氏衛良佐妻年二十四歲夫故無子苦節四十三年乾隆六年 旌表

何氏劉復基妻年十七歲夫亡遺子甫八月翁姑在堂氏仰事俯育備嘗辛苦苦節六十五年乾隆六年 旌表

李氏生員董直書妻年二十四歲夫亡子幼姑老氏事姑盡禮訓子遊庠苦節三十六年乾隆十八年 旌表

成氏生員薛俊采妻年二十四歲夫歿閱旬姑亦逝氏殯夫葬姑極盡孝敬歲時薦馨事死如生鄉里稱其賢孝苦節三十六年乾隆十八年 旌表

馬氏貢生靳爾逸妻年二十歲夫亡子幼姑老氏躬親
紡績奉姑撫子備歷艱辛苦節四十二年乾隆十八
年旌表

朱氏周佺妻年十九歲夫亡翁姑在堂氏竭力奉養訓
遺孤甚嚴後入泮苦節五十八年乾隆三十九年

旌表

荀氏武存誠妻年二十歲夫亡矢志守節家赤貧恃紡
績度日奉事翁姑極盡誠敬苦節三十八年子婦賀
氏孫婦韋氏俱能養其志乾隆三十九年旌表

直隸霍州志

卷十四

列女
上冊

九

劉氏生員王瑄妻年二十三歲夫亡侍奉翁姑生養死
葬皆如禮繼姪承祧苦節四十二年乾隆三十九年

旌表

劉氏成商呂妻年二十四歲夫故二子衍恒衍奎俱幼
翁姑在堂氏上事惟謹訓子衍奎入泮苦節三十九
年乾隆三十九年旌表

張氏生員朱彝成妻年二十七歲夫亡遺子傳威方五
歲家貧恃紡績度日事姑克孝教子讀書入泮苦節
四十六年乾隆三十九年獎給清標彤管匾額

楊氏劉嗣謹妻年二十四歲夫亡訓子維嚴後入泮苦節四十五年乾隆三十九年獎給清標彤管匾額

趙氏生員朱彝梅妻年二十四歲夫亡姑老子幼氏事姑盡孝訓子遊庠苦節四十四年乾隆四十一年獎給清標彤管匾額

韋氏邢隆妻年二十三歲夫故遺子鴻儒方五歲家道蕭索氏志堅金石撫孤成立苦節三十九年乾隆四十四年獎給清標彤管匾額

安氏程璞妻年二十二歲夫亡遺子若麟未週歲氏紡績自給撫孤有成後次孫樹業遊庠長孫樹基四孫樹棠俱入太學嗣續蕃衍家道丕振人咸以爲苦節之報云乾隆四十六年 旌表

直隸霍州志

卷西

列女
上冊

十

李氏邢麟裔妻因有惡少形踪詭異事涉嫌疑氣忿跳樓身死乾隆五十九年 旌表

朱氏翟翹妻年十九歲夫亡事姑教子苦節六十年嘉慶四年 旌表

朱氏翟翹妻年十九歲夫亡事姑教子苦節六十年嘉慶四年 旌表

劉氏張桐妻年二十九歲夫故事姑訓子苦節四十二年嘉慶十三年 旌表

劉氏靳尚仁妻年二十五歲夫亡奉養舅姑撫繼子成立苦節三十八年嘉慶十四年 旌表

郭氏段文銀妻青年喪夫苦節五十六年嘉慶十七年 旌表

韓氏段希湯妻苦節四十一年嘉慶十七年 旌表

陳氏任紹盛妻苦節五十三年嘉慶十九年 旌表

朱氏安法閔妻苦節三十二年嘉慶十九年 旌表

直隸霍州志

卷三十四

列女
上冊

十一

韓氏李鎖兒妻因強暴逼之不從投井死嘉慶十九年 旌表

成氏李清德妻箱舟自誓苦節四十六年嘉慶二十三年 旌表

劉氏閻可象妻年二十六歲夫亡遺子幼芳氏甘旨奉親熊丸教子後其子入泮苦節三十八年道光二年 旌表

王氏韓肇功妻年十九歲夫故事孀姑撫弱息之死靡他苦節三十三年道光二年 旌表

張氏韋恒茂妻年二十六歲夫故上事舅姑下撫弱媳
克盡孝慈苦節四十五年道光二年 旌表

王氏喬宗信妻年二十四歲夫亡事姑訓子苦節四十
七年道光三年 旌表

楊氏高元遴妻年十九歲夫故事姑育子孝慈兼至苦
節三十一年道光三年 旌表

蒲氏生員楊維城妻年二十四歲夫故誓以身殉舅姑
力勸得止撫姪秀琅爲嗣有聲鬻序苦節二十四年
道光三年 旌表

直隸霍州志

卷五

列女
上冊

十三

劉氏郭振聲妻年十九歲夫亡舅姑在堂氏以事以育
苦節三十二年道光四年 旌表

趙氏廩生朱傳班妻年二十八歲夫故事伯父母不異
舅姑訓子煜基遊庠苦節三十五年道光四年 旌
表

成氏周全修妻年十九歲夫亡遺腹生子氏事孀姑撫
弱息備極勤劬今六十一歲子五才道光五年詳請
旌表

馬氏朱傳炘妻年二十五歲夫故遺腹生子子又亡以

姪貽琚承嗣守節四十七年道光五年詳請 旌表
張氏高一清妻年二十七歲夫歿孀姑在堂遺子尚幼
氏以婦代子以母兼父劬勞備至歷三十八載卒子
永棟道光五年詳請 旌表

荀氏李金全妻年二十歲夫亡撫遺子長魁成立今六
十一歲道光五年詳請 旌表

董氏薛樹禮妻年二十七歲夫故氏冰霜矢志苦節今
五十三歲繼子炳輝道光五年詳請 旌表

郭氏從九王朝模妻二十九歲夫亡氏誓以身殉家人
再三勸止之子三人德普監生儒聰庠生德裕蚤歿
庶子一人德化監生今六十一歲道光五年詳請
旌表

直隸霍州志

卷五

列女
上冊

十三

張氏劉居要妻年二十歲夫亡事翁姑益謹繼姪恒祝
爲嗣教養備至鄉里稱之今五十九歲

李氏王乾元妻年二十九歲夫亡姑老子幼氏日事女
紅奉姑訓子今七十五歲

王氏閻存心妻年二十七歲夫歿孝事孀姑家貧恃紡
績支持家計鞠育孤兒今六十歲子逢泰

曹氏生員閻聖基妻年二十三歲夫亡孝事孀姑撫繼子連第教訓成立今六十四歲

武氏閻正芳妻年二十一歲夫故無出有勸其再醮者氏曰翁姑老矣吾去何以對良人於地下以姪道貫爲子上事下撫始終不渝今四十二歲

薛氏李欲貴妻年二十九歲夫故遺子尚在襁褓氏事姑撫子後子亡又撫遺孫成立今七十四歲

劉氏周全惠妻年二十四歲夫歿遺子五瑞氏紡績自度事孀姑撫孤兒勤苦供養五瑞早卒又撫孫維藩

直隸霍州志
卷十四
成立今五十九歲

列女
上冊

十四

荀氏李祥珍妻年二十九歲夫歿孝養孀姑撫育遺子侍紡績度日辛苦備嘗今六十四歲子惠

王氏陳可信妻年二十八歲夫亡遺孤復早死氏以陳氏不可無後撫族孫承嗣孀居十一年卒孫顯宗

閻氏陳世恩妻年二十九歲夫亡遺一子氏事姑甚謹姑卒喪葬克如禮遺子復亡復撫幼孫成立今六十六歲孫百鍾

張氏李盈妻年二十八歲夫亡氏孝養衰姑慈撫弱息

今五十五歲子光仁

閻氏劉毓秀妻年二十九歲夫亡氏事姑育子曲盡孝
慈卒年三十八歲子明道

成氏劉濟川妻年二十一歲夫歿遺子未週歲氏苦志
撫育侍奉舅姑曲盡婦道今五十六歲子皆式

王氏生員劉錫瑾妻年二十九歲夫亡氏事老姑撫孤
兒始終不怠今六十一歲子祥泰

田氏劉錦川妻年二十九歲夫歿姑老子幼氏仰事俯
育備極勤勞今五十五歲子知泰

直隸霍州志

卷之四

列女
上冊

五

薛氏劉國彥妻年二十七歲夫故遺腹生男事姑育子
以針黹佐朝夕焉孀居三十一載子知來

薛氏生員劉允選妻年二十九歲夫亡姑在堂三子俱
幼氏奉姑有禮課子甚嚴後長子錫瑾次子錫瑜同
年入泮人以爲苦節之報卒年七十三歲

王氏李桂妻年二十四歲夫亡姑老子幼氏仰事俯畜
備極艱辛今四十八歲子善述

成氏李文元妻結褵三載夫亡氏一十八歲舅姑在堂
子作霖方週歲氏堅貞自矢克盡孝慈作霖死氏又

撫孫夢熊成立今八十歲

梁氏李興蘭妻年二十一歲夫亡遺腹生男氏苦志撫孤事舅姑以孝聞今五十四歲子正春

高氏郭萬億妻年二十三歲夫亡氏上事舅姑下撫幼子心力俱瘁今五十五歲子宗孔

王氏郭春亮妻夫亡氏年二十七歲事姑育子備嘗荼苦今五十歲子秉權

賈氏郭繼廉妻年二十六歲夫歿舅姑在堂遺子在抱氏孝慈兼盡焉今六十二歲子大成

直隸霍州志

卷四

列女
上冊

六

段氏郭全發妻年二十六歲夫故遺子在抱氏苦志守節孝事舅姑後其子夭亡氏又撫繼子逢銀以延夫嗣今五十七歲

成氏王嘉相妻夫歿氏年二十八歲撫孤子輓成立今六十八歲

王氏成攀桂妻夫故氏年二十五歲事姑育子悉竭心力今六十三歲子勤書

張氏郭預光妻年二十七歲夫故氏事姑育子荼苦備嘗後子與媳俱早逝僅遺孫三歲倚氏底於成立苦

節四十七年卒孫九疇

裴氏張鳳照妻年二十二歲夫亡有遺子亦亡奉翁姑以孝聞今五十五歲

申氏張存銀妻年二十歲夫亡遺腹生男氏事姑育子備極辛苦今七十四歲子懷盛

邢氏荀洪順妻年十九歲夫亡遺腹生子翁姑在堂氏養老育幼各盡其道今七十三歲子五士

高氏張舒翼妻年二十八歲夫故事舅姑惟謹撫姪聖化爲嗣入太學年五十二歲卒

直隸霍州志

卷五

列女
上冊

七

邢氏荀晉德妻年二十八歲夫亡氏孝事舅姑慈撫幼子辛苦備嘗卒年七十三歲子運來

劉氏張壽妻年十九歲夫故遺腹生子習文舅姑在堂氏苦志守節克盡孝慈壽七十六歲州牧鍾給匾曰節孝並美

薛氏張修璞妻年二十四歲夫故無出繼嗣又亡氏苦志守節孝養舅姑始終不衰今六十四歲

周氏劉嵐妻年二十歲夫亡遺子方數月氏事衰姑養弱息苦節五十七年子耀宗

李氏劉寧邦妻年二十八歲夫故有二子俱幼賴氏教
養成人今五十七歲長子名進瑯

鄭氏成可杰妻年二十七歲夫故遺子天合方五歲甘
貧苦守年六十五卒

劉氏成興邦妻年二十九歲夫亡事舅姑撫幼子備嘗
荼苦今五十八歲子元善

蒲氏劉桐妻年二十八歲夫亡矢節撫孤及後子又亡
撫孫國英苦節六十一年壽九十一歲

劉氏劉恒充妻年二十四歲夫亡無出苦志守節孝事
舅姑立嗣子美珩今五十二歲

梁氏范思義妻年二十二歲夫亡子幼舅姑在堂氏仰
事俯畜克盡心焉今六十歲子生秀

荀氏任天爵妻夫亡氏年二十六歲上事翁姑下撫弱
息堅志守貞今五十九歲子思敬

劉氏閻章妻年二十九歲夫故事姑撫子備極辛勤今
六十七歲子法閔

安氏楊廷遴妻年二十一歲夫亡氏冰霜自勵事親撫
孤今六十九歲子清陽

范氏劉永正妻十九歲夫故遺孤又早亡氏因舅姑年邁節操益勵卒年七十歲孫士端

安氏武思禎妻年二十六歲夫亡氏事舅姑育幼子數十年未嘗稍懈今六十五歲子兆福

韋氏拜玉輝妻年二十四歲夫故遺子復亡事舅姑以孝聞今五十六歲

李氏董唐妻年二十四歲夫亡子弱氏荼苦堅守奉養孀姑始終如一今五十三歲子肇端

武氏拜恩妻年二十七歲夫故飲冰茹荼撫遺孤玉琅成立今五十三歲

直隸霍州志

卷二

列女
上冊

十九

張氏成繼達妻年二十六歲夫故無子撫姪欽堯爲嗣今五十六歲

拜氏郭大經妻年二十五歲夫故家貧事舅姑撫弱息紡織度日今五十二歲子錦支

趙氏李國柱妻年二十七歲夫亡事姑育子辛苦備歷今六十歲子萬春

張氏吏員梁士昌妻夫亡氏年二十七歲孝事舅姑慈教稚子辛苦萬狀今五十五歲子修德

武氏梁三省妻夫亡氏年二十七歲孝事孀姑撫繼子
耀文成立卒年八十二歲

趙氏楊忠楷妻年二十九歲夫故子亦夭孝養翁姑始
終不懈今六十一歲

武氏楊百化妻年三十歲夫亡事祖姑及姑惟謹鞠育
二子辛苦備嘗今五十四歲長子永蘭

楊氏李國康妻年二十八歲夫故矢志守節撫孤子忠
良娶妻生孫後子與孫俱亡氏與孀姑相依奉侍勤
謹年八十八歲終

直隸霍州志

卷四

列女
上冊

三

楊氏梁文貴妻夫故氏年二十三歲遺孤未週歲翁姑
年邁氏上事下撫克盡孝慈今五十歲子洪楷

張氏成建金妻夫亡氏年二十九歲堅守志節撫三子
成立今五十四歲長子清寶

梁氏劉宿功妻夫亡氏年二十五歲遺子方二歲翁姑
在堂仰事俯畜備極勞苦今四十七歲子皆銀

田氏梁顯妻年二十九歲夫亡二子俱幼氏撫養成入
辛勤備至今七十二歲長子學魁

王氏梁王勳妻年二十九歲夫亡遺子鳳亭方六歲苦

節二十餘年今五十二歲

薛氏張善華妻年二十三歲夫亡遺一子翁姑在堂以養以教咸盡心焉年三十三歲卒子士奇附貢生

楊氏張裕妻年二十四歲夫亡一子早殤撫堂姪時杰爲嗣以延宗祀今五十六歲

李氏生員張汝慶妻年二十六歲夫亡無出姑在堂繼姪爲嗣上事下撫始終不渝卒年七十八孫啓泰

梁氏張洪良妻年二十八歲夫亡二子俱幼翁姑在堂仰事俯畜各盡其道今六十八歲長子建林

直隸霍州志

卷五

列女
上冊

三

趙氏張復位妻年二十二歲夫故子未週歲後早逝氏撫孫成立卒年七十八歲孫建飛

成氏安君榮妻年二十六歲夫故遺孤七歲氏撫養成
人今六十四歲子正體

劉氏楊席珍妻年二十一歲夫故遺一子早亡茹苦含辛今五十三歲孫福來

張氏白金瑤妻年二十九歲夫故舅年邁二子俱幼氏上事下撫始終不懈今八十歲子懷士

郭氏房興君妻年二十六歲夫故遺孤順方二歲氏撫

養成成人今八十歲

劉氏趙興周妻年二十八歲夫亡遺二子撫養成成人卒年八十三歲孫志仁

柏氏閩建中妻年二十歲夫亡有遺腹子翁姑在堂氏上事下撫備極勤苦今七十一歲子欽聖

李氏黃祥妻年二十歲夫亡無出奉養翁姑撫姪爲嗣今六十二歲子萬選

張氏陳尚傑妻生員文炳母也年二十八歲夫故翁姑在堂遺子文炳方七歲氏上事下撫備極勤勞卒年

四十四歲道光五年詳請 旌表

朱氏朱秀山妻二十二歲夫故遺子方三月翁姑在堂氏勵志守節今四十五歲子郁進

劉氏朱如珩妻年二十四歲夫故敬事舅姑慈撫稚子今七十六歲子選貴

聶氏劉丁酉妻年十九歲夫亡與孀姑相依撫遺腹子成立卒年六十九歲孫敬天

朱氏童生王儒敏妻年二十九歲夫亡翁姑在堂有遺腹子錫恩家貧甚氏令就傅日勤針黹以承菽水以

供修金及舅姑歿喪葬盡禮心力悉竭里閭無不歎服今五十八歲

劉氏閤待震妻年三十歲夫故家貧如洗日勤紡織上事翁姑下撫稚子閭里贈德昭壺儀匾額以彰苦節

邢氏范芄妻年二十九歲夫故遺子未週歲翁姑在堂上事下撫紡織不輟苦節終身

李氏成環妻年二十七歲夫故生子方四歲度日無資氏紡織爲生撫孤成立苦節終身

李氏梁善柱妻年二十九歲夫故翁姑在堂子尚幼氏勵志守節今六十三歲子光化

劉氏曹自榮妻年二十二歲夫故生子振鐸甫三歲撫養成立爲娶董氏後振鐸早逝姑媳孀居辛苦萬狀卒年五十一歲

董氏卽劉氏媳也夫故氏年二十八歲事孀姑惟謹姑亡喪葬盡禮撫二子正清文清成立今七十三歲猶紡織不輟焉

任氏高其堂妻年二十八歲夫故翁姑在堂子女幼弱氏志節愈勵今七十八歲

任氏生員高其坦妻年十九歲夫故止遺一女撫姪爲
嗣茹荼守節今五十九歲

韓氏高鏐妻年二十八歲夫故上事孀姑下撫弱息苦
節四十一載卒

張氏生員高錦妻年二十四歲夫故翁姑在堂子尚幼
氏勵志守節卒年五十九歲

楊氏吳佩妻年二十四歲夫故翁姑在堂遺子尚幼氏
上事下撫苦節五十一歲卒子存有

張氏梁熙妻庠生嘉金曾祖母年二十九歲夫故家貧

直隸霍州志

卷三

列女
上冊

三

姑老遺三子俱幼氏事姑訓子備歷艱難今五十歲
任氏張狎妻年二十八歲夫故遺子啓聰方週歲翁姑
在堂氏上事下撫備極劬勞今六十八歲

安氏生員張鵬飛妻二十三歲夫亡無子氏絕粒誓以
死殉家人咸勸之始稍稍進飲食終以積哀成疾越
二年卒繼子書林

張氏成清盛妻年二十歲夫亡翁姑在堂遺子琅方週
歲苦節四十五年

張氏賈崇德妻年二十四歲夫亡遺腹子向陽時祖姑

在堂翁已老氏上事下撫苦節三十三年

韓氏王汝周妻年二十一歲夫亡生子方二歲成人後
早逝又撫孫者相成立今六十九歲

張氏李自洪妻歲貢生青綺祖母年二十二歲夫故遺
子尚幼氏撫養成立課耕兼以課讀後子亡又撫孫
青年入泮人咸以爲淑德之報督學曹匾旌其閭曰
古雪春暉卒年八十有四歲

楊氏靳世奎妻年二十六歲夫故事孀姑撫弱子苦節
二十七載子思敏

喬氏荀運行妻年二十八歲夫故遺二子翁姑在堂氏
仰事俯畜辛苦備嘗今六十四歲長子繼昌

郭氏陳某妻性貞烈其夫因遊蕩破家將賣氏於某豪
逼令就車氏堅執不從投井死里人哀之

劉氏生員張文範妻年二十二歲夫故家赤貧恃紡織
度日上事舅姑下撫弱子艱苦備嘗卒年五十歲子
惠彩

王氏高文妻年二十九歲夫故翁姑在堂子方二歲氏
日勤紡織仰事俯畜今七十四歲子清賢

李氏王桂樑妻年二十五歲夫亡翁姑已老遺子尚幼氏勤紡織以給家計上事下撫孝慈兼盡苦節三十餘載卒孫宗先

馬氏成王信妻年二十六歲夫故矢節撫孤卒年五十一歲子若決

李氏范成文妻年二十八歲夫亡遺腹生男孀姑年邁多病家又赤貧以十指度日上事下撫辛苦十五年以癆疾而亡子化徵

何氏生員范桂妻年二十八歲夫亡氏事孀姑撫孤子七年

成氏吳蕙妻年二十九歲夫亡姑孀子秉哲方週氏勵苦節今六十一歲

劉氏安德周妻年二十九歲夫亡遺子二歲事孀姑惟謹今七十一歲子世祿

吳氏安存讓妻年二十九歲夫亡二子俱幼氏苦節撫孤卒年四十二歲長子奮學

安氏程矩妻年二十四歲夫亡無出奉事孀姑辛苦備

嘗今五十三歲

范氏安標芳妻年二十九歲夫故遺子慎修方三歲紡織度日撫養成立備極勤勞今七十三歲

劉氏高峻明妻年二十八歲夫亡有二子俱幼氏冰霜自凜教訓成立今五十四歲長子洪昌

趙氏任逢春妻年二十八歲夫亡氏矢志撫孤今五十三歲子福盛

韓氏朱輝基妻年二十九歲夫故無子苦節自甘今六十三歲

直隸霍州志

卷十四

列女
上冊

二十七

郭氏朱連茹妻年二十九歲夫亡翁老子幼上事下撫兼盡其道子卒復立嗣子秀玉年五十九歲卒

翟氏監生喬聖鐸繼妻年二十四歲夫亡姑老多病氏親侍湯藥以孝聞今五十歲子樹敏

郭氏朱岐基妻年二十六歲夫故氏上事翁姑下撫稚子辛苦備嘗今七十四歲子連錄

郭氏朱凝基妻年二十歲夫亡無子事翁姑至孝苦節二十四年卒

喬氏張崇德妻年二十九歲夫亡事孀姑撫幼子紡織

度日備極勞苦後子卒氏志始終不渝今五十二歲
喬氏武德妻年二十九歲夫故姑老子幼氏日勤紡織
孝養兼盡苦節二十五年卒子慎行

邢氏郭錫極妻年二十一歲夫亡翁老子幼上事下撫
辛苦備嘗卒年七十三歲孫毓英

劉氏郭仰棟妻年二十八歲夫亡無子與孀姑相依朝
夕侍側奉事備極勤勞今五十六歲子毓英

荀氏張國璽妻年二十歲夫故氏上事孀姑下撫稚子
今六十一歲子承統

荀氏監生張正域妻年二十五歲夫亡氏敬事衰姑撫
稚子如柏成立娶妻朱氏越數年如柏又卒朱氏年
二十四歲奉養衰姑亦備極慇懃姑年六十五歲氏
年四十八歲

宗氏王姓妻年二十八歲夫歿氏上事翁姑下撫稚子
各盡其道苦節四十二年卒長孫朝楠庠生

喬氏朱貽增妻年二十六歲夫亡氏事翁姑撫孤子歷
盡辛苦子卒又撫孫成立年六十八歲卒長孫鳳翔
陳氏王天祿妻年二十五歲夫亡姑老子幼仰事俯畜

備極辛苦今五十三歲子之佐

李氏成攀龍妻年二十四歲夫故事翁姑惟謹苦節二十三載孫盛會

李氏梁萬貴妻年二十一歲夫亡與孀姑相依奉事懇懃撫孤成立備嘗辛苦今六十一歲子本

朱氏喬宗孔妻年一十九歲夫故無出撫繼子聖武成立聖武卒鞠育諸孫勤勞備至壽八十一歲長孫瑚

趙氏楊常盛妻年二十七歲夫故苦志守節奉事舅姑撫養孤子歷盡辛苦今七十三歲子保長

直隸霍州志

卷十四

列女
上冊

三

何氏監生劉順天妻年一十九歲夫亡翁姑年近七旬氏奉事未嘗少懈及歿殮葬盡禮氏六十九歲卒子思開增廣生

韓氏劉順正妻年二十四歲夫故事孀姑二十餘年曲盡婦道無子爲姪思騰娶媳生孫居淦承嗣卒年六十二歲

張氏劉希顯妻年二十四歲夫亡遺子思柁僅數月氏撫孤成立苦節五十餘載卒年八十歲

任氏儒童王錫瑞妻監生作楫女十七歲于歸十九歲

生一女未彌月錫瑞因苦讀得失血症氏驚悸欲絕未幾夫亡卽絕粒誓以死殉不數月而卒夫婦同日殯葬焉

卓氏劉全丙妻年二十四歲夫亡氏苦節自甘五十三歲卒

成氏劉思制妻年二十九歲夫亡遺子居斗尚幼氏撫育成立歷盡辛苦今六十八歲

劉氏劉恒演妻年二十一歲夫故遺子美澤甚幼氏撫養教訓劬勞備至今五十九歲

劉氏薛樹品妻年二十九歲夫故氏苦節自甘奉事翁姑備極慇懃無子撫姪煒泰爲嗣今五十九歲

李氏范爾點妻年二十九歲夫亡孀姑衰老曲盡孝道遺子維均生甫四月劬勞撫養辛苦備至今六十四歲

劉氏薛欽止妻年二十七歲夫亡遺子月盛尚幼家赤貧以紡織度日撫孤成立今五十七歲

郭氏張爾章妻年二十五歲夫亡遺子百植方八月翁姑衰老氏上奉下撫各盡其道苦節三十九載

師氏陳裕清妻年二十二歲夫亡姑老子幼氏仰事俯畜辛苦備至今五十歲子學文

張氏王知仁妻年一十九歲夫亡翁姑在堂有遺腹生子全有氏日勤紡織孝養兼盡今五十八歲

朱氏何廣昭妻年二十七歲夫亡翁姑在堂遺二子俱幼上事下撫各盡其道今六十三歲長子錫福

郭氏武生馬元彪妻年二十九歲夫亡子幼氏苦節自甘今五十四歲子繪圖

朱氏高尚德妻年二十二歲夫亡撫遺子繩武成立年四十六歲卒

直隸霍州志

卷三十四

列女
上冊

三十一

喬氏王榮華妻國學生聖鐸長女適王未及二年夫亡氏終日泣哭飲食俱廢有勸之者但云不嗜飲食後氣鬱成病始語人曰我久欲速死而完節耳不數日卒

安氏朱傳琨妻年二十歲夫亡翁姑在堂遺子岱基尚幼氏上事下撫始終不渝姑卒喪葬盡禮年四十八歲卒

朱氏韓泰吉妻年二十八歲夫故姑老子幼事姑育子

各盡其道卒年六十二歲長子樹禮

張氏韓如繪妻年二十六歲夫亡翁姑在堂遺子尚幼氏婦代子職母兼父道今六十五歲長子九臯

段氏郝偉妻年二十八歲夫故翁姑俱老子尚幼氏苦志守節孝養兼盡年六十歲卒長子攀桂

周氏郭維屏妻年二十八歲夫亡無子撫姪景餘爲子苦節四十年卒

梁氏郭汝璉妻年二十八歲夫故遺二子氏撫養成立今七十二歲長子承基

直隸霍州志

卷十四

列女
上冊

三

劉氏生員喬世炎妻年二十四歲夫亡遺子凌霄方數月氏冰霜自勵撫孤成立今五十歲

苗氏祁懷義妻年二十歲夫亡翁姑年老遺子在抱氏苦節自甘今五十四歲

范氏董立德妻年二十九歲夫亡事翁姑撫弱息有賢孝稱今五十二歲長子集泰

劉氏賈世泰妻年十九歲夫故遺一子翁姑衰邁氏上事下撫辛苦備嘗今四十九歲子待聘

朱氏董泰時妻年二十九歲夫亡孝事衰姑二子俱幼

氏劬勞撫養教訓成立今六十二歲長子明遠

高氏劉正璋妻年二十三歲夫亡敬事翁姑撫養孤子
今五十八歲子惠迪

晉氏郝全務妻年二十五歲夫故子又亡撫姪元明爲
嗣苦節四十八年卒

郭氏楊立業妻年二十歲夫亡遺子作霖未週歲氏敬
事翁姑撫育稚子歷盡艱苦今五十五歲

成氏來進誥妻年二十七歲夫亡子幼氏勤紡織以自
給劬勞四十餘年今七十三歲子其清

直隸霍州志

卷十四

列女
上冊

三三

晉氏張復昇妻年二十二歲夫亡遺子襁褓撫養教訓
辛苦備嘗今六十二歲子嘉年

韋氏王心一妻年二十九歲夫亡氏事衰姑撫幼子以
苦節著今六十二歲子重華

劉氏張協妻年二十八歲夫故遺子士煜尚幼教訓成
立今七十歲

陳氏楊丹桂妻年二十六歲夫故遺子僅六月劬勞撫
養勤理家務事姑以孝聞苦節二十載卒子裕遜吏
員

李氏楊成桂妻年二十九歲夫亡無出敬事衰姑撫姪
裕謙爲嗣謙卒遺孫奎元倍加愛養壽九十四歲

李氏楊通有妻年二十一歲夫故翁姑在堂二子俱幼
氏茹荼自甘上事下撫辛苦備嘗今六十一歲子桂
詩

薛氏段國棟妻年二十九歲夫亡姑老子幼氏勤紡織
以佐家計歷盡辛苦今五十七歲子百奎

段氏靳世英妻年二十六歲夫亡氏事姑訓子孝慈兼
盡今六十七歲子思謨

直隸霍州志

卷之四

列女
上冊

三十四

曹氏張時進妻年二十八歲夫亡撫孤子如蘭成立今
五十五歲如蘭監生

安氏監生張時泰妻年二十九歲夫故惟一女撫姪如
蘭爲嗣卒年五十二歲

郭氏喬應祥妻年二十八歲夫亡遺二子俱幼氏堅貞
自守撫養成立守節四十三載長子春英

薛氏宋魁妻年二十九歲夫故遺子學禮尚幼氏茹荼
自甘勤勞備至苦節二十六載卒

朱氏生員何洙妻年二十七歲夫故有姑在堂遺二子

俱幼氏事姑訓子辛苦備至今五十歲長子喜梓

賀氏董培遠妻年二十二歲夫亡翁姑在堂遺子五典
尚幼氏上事下撫辛苦備嘗今六十一歲

朱氏胡福海妻年二十一歲夫亡無子撫姪月有爲嗣
恃紡織支持家計艱苦備嘗今五十六歲

任氏生員張映德妻年二十八歲夫故有姑在堂無子
撫姪爲嗣治家勤勞孝慈兼盡今五十三歲道光五
年詳請 旌表

樊氏王泰妻年二十歲夫故姑老子幼氏奉姑克孝訓

直隸霍州志

卷三十四

列女
上冊

三

子惟嚴卒年四十一歲子樹型

陳氏陳生德妻年二十四歲夫故翁姑在堂遺子緝勳
方三歲氏事姑訓子辛苦備嘗今五十五歲

郝氏郭寶鼎妻年二十二歲夫亡遺二子俱幼氏紡織
度日撫育稚子苦節三十七年卒

劉氏吏員張巨猷妻年二十八歲夫故遺子悅生僅六
月氏日事女紅撫孤成立辛苦備嘗今七十歲

董氏蘭世德妻年二十四歲夫故翁姑在堂遺子學易
尚幼氏勤十指仰事俯育苦節二十九載卒

張氏梁士昌妻年二十七夫亡翁姑衰老遺子修德未週歲家赤貧氏日事針黹上事下撫今五十五歲

喬氏安敦倫妻年二十二歲夫歿翁姑年老遺子熾昌方三歲氏仰事俯育備歷艱辛壽八十六歲卒

劉氏程珙妻年二十八歲夫亡翁姑已老遺子尚幼氏上事下撫孝慈兼盡今六十歲

薛氏張一綸妻年二十七歲夫故撫孤子維奇成立娶荀氏後維奇卒荀氏二十七歲遺二子景修景賢俱幼姑媳孀居均有賢聲薛氏六十二歲卒荀氏今六

直隸霍州志

卷二

列女
上冊

三

十五歲

朱氏蒲友蓮妻年二十二歲夫亡氏紡織度日訓子維嚴今五十四歲子巽

朱氏葉正元妻知府朱鼎瀣女年二十二歲夫歿誓以死殉又計有遺腹倘男也其將死朱氏後乎後生子繩祖鞠育備至氏父爲訓之底於成立前河東道以貞孝慈義匾額旌之

朱氏生員閻佩琅妻生員沐化母年二十九歲夫歿翁姑在堂遺子九齡氏仰事俯育孝慈兼盡今七十一

歲

喬氏邢學優繼妻年二十六歲遺子光化及前室子光前俱幼氏勤紡織撫二子成立今五十歲

馬氏成王信妻年二十六歲夫亡遺子方六歲氏指日誓心撫孤成立年五十一歲卒

邢氏監生喬志思妻年二十九歲夫歿翁姑在堂遺子集鸞方七歲氏上事維謹又延師教子每退學時輒含涕而訓之道光五年詳請 旌表子集鸞庠生

李氏安悱妻年二十五歲夫亡翁姑已老遺子尚幼氏

直隸霍州志

卷二

列女
上冊

三

冰霜自凜孝慈兼盡苦節四十三年道光五年詳請 旌表

劉氏董直信妻年二十八歲夫歿翁姑在堂遺子德清甫四歲氏上事維謹下撫維嚴孫殿元己酉選拔連元食廩餼曾孫邦傑庠生皆氏教誨力也道光五年

詳請 旌表

劉氏任永泰妻年十九歲夫歿撫前室子自立如己出自立又故遺二孫令從師氏亦嚴誨之次孫建基入泮今廩生士璋其曾孫也道光五年詳請 旌表

朱氏童生劉思梧妻年二十八歲夫故翁姑在堂子女尚幼氏上事下撫備極艱辛後子與孫皆入太學道光五年詳請 旌表

曹氏生員閻聖基妻年二十三歲夫故奉高堂撫繼子苦節四十餘載道光五年詳請 旌表

鄭氏生員韓九功繼妻二十六歲夫故上事病姑下撫稚子孝慈兼盡辛苦備嘗卒年五十六歲道光五年詳請 旌表

董氏趙增明妻年二十七歲夫故翁姑已老遺子尚幼氏上事下畜各盡其道今六十二歲子鳳儀

郭氏楊立業妻年二十歲夫亡翁姑在堂遺子作霖方四月氏仰事俯畜辛苦備嘗今五十五歲

趙氏監生秦忠孝妻年二十九歲夫故撫孤大治成立今五十六歲

康氏禮生程憲妻年二十九歲夫故上事翁姑下撫稚子備極辛苦今五十三歲

張氏何來選妻年二十一歲夫亡守志撫姪以德為子今已成立現年五十五歲

安氏生員郭維祺妻年二十二歲夫亡無子撫姪景温
為嗣苦節五十四年卒年七十六歲

段氏董朝材妻年二十歲夫故事翁姑維謹訓遺子成
立今六十二歲子先逝孫培久

李氏成可通妻年二十二歲夫歿事翁姑有禮教子成
立子先亡孫興遠卒年七十九歲

張氏郭信妻年二十六歲夫故不以貧困渝其志卒年
七十八歲

郭氏段希正妻年二十五歲夫故姑老子幼孝慈兼盡
卒年六十六歲子元亨

直隸霍州志

卷四

列女
上冊

三五

王氏李如桐妻年二十六歲夫故遺子清賢在抱苦節
垂三十年

張氏生員張國選妻年二十九歲夫故守節六十一載
今年九十歲

邢氏胡庸妻年二十五歲夫故翁瞽姑衰遺孤三歲勤
十指仰事俯畜苦節六十四年子錦文

劉氏張仰惠妻年二十八歲夫故子天佑方四歲氏事
姑二十餘年克盡孝敬撫子成立現年六十一歲

范氏童生何如金妻年二十八歲夫故遺子德厚尚幼
撫養成立今五十二歲

朱氏任可師繼妻年十八歲適任月餘夫故奉孀姑惟
謹撫前室子作舟入太學苦節未及十五年以過勞
病卒人皆惜之

王氏薛時裕妻年二十四歲夫亡翁姑在堂遺子早發
甫週歲氏竭力奉養教子有方苦節二十餘年未嘗
少懈

賢媛附

任氏廩貢生朱調元妻事翁姑無惰容待妯娌如姊妹持內政井井有條子貽穀從九聖時正彩貢生象離廩生子孫藩衍曾元繩繩夫婦同享遐齡鄉里羨之王氏生員張有光妻幼嫻姆教敬事舅姑中年喪夫遺子象賢入太學三女皆得佳婿家本素封而自奉儉約機杼夜月皓首不輟壽臻八十一歲

劉氏封安人儒林郎王朝桐妻幼嫻內則素著賢聲夫繼五門嗣姑病癱瘓氏親調湯藥侍奉晨昏歷五年

直隸霍州志

卷五

賢媛
上冊

四一

不懈夫歿後教子辛勤治家儉樸待戚里有恩人咸稱之子儒珍捐職州同

喬氏監生邢价妻十六歲于歸翁姑衰病與夫日夜伴侍忘絕忌嫌姑患癱瘓臥牀四年不能食氏以口哺之溲便皆爲護持後翁姑繼卒哀毀盡禮族黨咸稱之

翟氏吏員任世福妻夫遠客江南氏侍孀姑十年藥餌必親及夫聞訃歸喪事皆已辦就氏有女無子勸夫納妾生子夫旋病故積逋三百餘金氏曰我寧百計

奏還不願吾夫落虧人錢名也事母家亦以孝稱今年近七旬猶勤紡織焉

郭氏朱貽梅妻夫服賈外出氏勤女紅以奉舅姑並爲夫幼弟娶妻生一子後夫亡弟妻亦故辛勤撫其遺孤人皆稱之

楊氏孝廉方正任開泰妻廣靈縣訓導逢年孫女太學生清女十八歲于歸孝事翁姑侍疾持喪與夫開泰俱極盡禮盡誠夫歿後搯家勤儉訓子孝弟鄉黨奉爲女宗現年七十七歲

誠早婚說

早婚之說曷有以誠也蓋因晉俗節婦之多而有感也
攷正史婦人以節著者自漢迄唐不少概見宋以後漸
著豈前乎此者失節多與抑風氣未矜尚也夫節之義
取諸竹說文曰竹節又曰擦也擦之一日卽擦之終身
非然者角枕獨旦淚痕浹席有不歷四時而改柯易葉
者乎苦哉節也易曰節亨由苦得亨也乙酉秋霍州續
修州志凡州屬節婦自 國初迄今除遇寇死節外本
州二百有九十二人靈石三百有九十三人趙城九十

直隸霍州志

卷五

風俗
上冊

四三

三人則未盡呈報也此外尚有守志未滿二十年及三
十歲以後守志者又不知凡幾嗟乎嗟乎嫠婦若此之
多乎徐而察之非獨霍州爲然各郡邑且有甚于此者
推原其故蓋古者三十曰壯乃有室豈卽不早死乎此
可委之命矣今晉俗子生年十四五卽畢婚何耶內經
言男子二八而天癸至至者猶未充也元精未充而卽
御女譬之于木萌蘖之生而斧斤伐之欲不夭折得乎
且童年生子先天稟薄亦卽易天兩世孀居比比皆是
此其咎在其父若兄不啻置其子弟于死嗟乎嗟乎建

坊入祠之榮不如白頭偕老也且晉俗尚有子外出未歸而娶婦入門謂之空房又有子已死而媒合人亡女之柩以合葬者謂之冥配亦謬甚矣然猶未爲風俗之害也惟早婚之風其始不知起自何年如此弱齡旣非爲怨曠計而空房尚有娶婦者則亦非早爲似續計意者俗尚勤儉惟知娶婦入室勤紡織搽井曰以資內助耳不知家家戶戶女子皆笄而字則家各有長女亦足代母之勞勢若等也自今以往惟願士庶人稍知悔禍卽不能復古禮但過弱冠後爲子成室亦所謂盡人事以待天命庶乎心無負疚而少寡決不若是之多然而習染已深卽有良有司爲之家喻戶曉亦非旦夕間所能更化徒令余讀潘安仁寡婦之賦悄然神傷而已

直隸霍州志卷二十四 下冊

列女 賢媛附

趙城縣

元

宋氏李益妻孝子李忠母也夫蚤亡子幼年三十歲勤紡織事舅姑至老不衰至正元年旌表其門

張氏徐穀妻從夫宦永濟倉夫卒家貧無依扶柩歸葬大德秋八月地震所居屋傾塌舅為所壓氏倉皇瓦礫中扶出指血淋漓不知痛事姑教子祭酒蔡文淵

直隸霍州志

卷二十四

列女

一

為作傳

張氏郭德元妻十六歲于歸二十四歲夫亡哀毀幾絕紡織教子讀書卒年七十七至正間表其門

趙烈女元時寇亂女二十未嫁虜驅迫以行度不能免給賊曰願取所藏金與子偕往賊信之遂與還投井而死後人有藏金女子詩見藝文

明

師氏喬貫妻師岡女正德辛未遇賊不屈死之

賈氏王大威妻寇變城陷罵賊不屈投井死

史氏賈秉英妻遇賊不屈投崖死

金鄉女子山東金鄉楊表正任本學訓導其女隨任未適人時值寇亂爲賊掠馬上得間以隨身金縷帶縊梨花下後人爲金鄉女子梨花行弔之入藝文

李氏太學生賈澄妻年二十三夫亡無子誓志終天事舅姑始終如一正德丙辰旌表其門

張烈女張汝強女名雪梅崇禎五年冬爲賊所掠挾之馬上行經大節溝投崖死時年十六後人張雪梅作大節溝行弔之

王氏生員張其治妻其治歿一子甫周歲苦守四十餘年教子讀書在庠有文名

喬氏楊汝槐妻二十一歲喪夫孀守六十餘年教子自榮爲邑生員得旌表如制

賈氏劉翹甫妻夫亡氏十七歲有遺腹子元鳳後爲霑化令氏孀節五十餘年旌表如制

師氏賈學禮妻幼年喪夫苦節五十年旌表如制

王氏師孔妻年二十一歲喪夫孝事舅姑苦節五十餘年

羅氏生員賈三才妻幼年喪夫苦節四十餘年旌表如制

國朝

王貞烈女本邑生員王掄元之女幼字衛生及長未結褵而生死女遂自縊前令羅君表其墓曰貞烈

李氏生員閻承詔妻夫亡無子忍死養姑姑病三年湯藥必親調守節五十一年卒

閻氏張慎行妻年十六夫亡遺娠生子貞節自矢撫孤存祀入節孝祠

直隸霍州志

卷三十四

列女

三

張氏王縉妻縉出賈卒於客邸氏年二十二寄居母氏百計歸夫視親負土纍其墓男女婚嫁次第備舉苦節三十九年祀節孝祠

王氏盧文炳妻青年矢志教子克家年七十餘卒祀節孝祠

晉氏生員衛康妻蚤年喪夫柏舟自矢教子成名年七十餘卒祀節孝祠

晉氏生員李世藩妻夫蚤逝苦節五十年祀節孝祠

王氏廩生閻襄泰繼妻青年守節白首完貞 旌表入

祠

李氏王伯楊妻夫死守志孝慈兼盡五十年如一日祀節孝祠 以上皆本通志

高氏生員王喆之妻青年矢志皓首完貞孝事舅姑義方教子子廷亮廷梅廷獻廷訓皆邑庠生廷詩爲上舍生 旌表入祠

王氏李繼祖之妻二十二歲夫逝冰霜自矢遺娠生子艱苦備嘗姑療二十餘年氏奉湯藥寢食終始不懈翁齒邁委曲奉養壽享遐齡邑人公舉請 旌如制

直隸霍州志

卷二十四

列女

四

劉氏申序之妻生員申中瑾之母也夫亡氏二十三歲生子四十二日苦志守節紡績度日奉舅姑各登上壽歷五十餘年邑人公舉請 旌如制

湯氏李霄志妻結褵三載夫亡時年二十一歲姑逾七旬兒未五月氏以婦代子以母兼師閱歷艱難慈孝兼盡前令詳請 旌表如制年五十七歲端坐而逝子培蘭孫三鎬鑑鐸皆邑庠生

張氏劉溢妻太學生劉爾康母操凜冰霜 旌表建坊如制

鄭氏張師載之妻夫亡氏十九歲遺子在抱舅姑抱病
七載氏視湯藥不懈紡績課讀孝慈克盡子任庠生
孫步青亦髫年入泮四世同堂闔邑推重已沐 旌
表

續氏賈遵訓妻訓沒氏年十九無子家赤貧翁姑垂邁
氏誓死苦守養生送死皆出於十指後以賈鉉爲嗣
教之成立蔣督學給鳴慈祝孝扁獎其門

陳氏太學生張裕妻廩生夢瑞母夫歿子方總角舅齒
衰邁氏以婦代子誠孝備至夜紡伴讀孀幃月落猶
見篝燈蔣督學給丸熊遺範扁獎之

直隸霍州志

卷十四

列女

五

班氏州同知孔聞詩之妻夫亡氏二十三歲母範端嚴
子瑞明經孫紹先弱冠游庠瑞歿與媳王氏紡績不
懈壽登八旬里人稱孔氏雙節

高氏李緒宗之妻夫亡氏二十一歲姑年衰病子方在
抱氏以女紅給菽水及姑歿喪葬盡禮育子閔斯心
力俱瘁邑人咸稱純孝苦節

張氏高進之妻生員來峰母夫歿氏年二十五歲遺娠
生來峰氏冰霜自矢茹荼訓子卒年七十四歲

樊氏恩貢生衛廷璧繼妻十六歲適衛夫年六十有五
越數歲生一女而夫故氏柏舟自矢媳賈氏先孀
勉同心共矢冰霜蔣督學給淑德冰心扁旌其門

賈氏衛梓妻年二十一歲夫亡無子矢志堅貞翁廷璧
以堂孫魁元繼之時魁元方週歲恩勤鞠育今已游
庠矣氏念翁衰老無子勸娶臨汾樊氏及得一女而
翁亡與繼姑冰蘖共矢三十餘年督學使者表其閭
曰節孝維風

孔氏王萬義之妻夫歿氏二十四歲姑老子孩家極貧
氏堅貞自矢紡織事姑養生送死俱無遺憾撫孤子
維倫維紀成立備極艱辛年七十歲卒

喬氏生員李自振之妻氏年二十六夫亡遺二幼子家
極貧氏克勤克儉撫育成立苦節四十四年

高氏張象謙之妻十六歲于歸十九歲夫亡無子氏毀
容骨立誓死靡他孝奉舅姑竭誠盡敬後撫姪爲嗣
閱三十二年冰霜勁節闔邑稱之

宋氏喬樹槩之妻年十七歲于歸二十五歲而寡所生
一子夫歿隨亡家極貧事舅姑盡禮翁病侍湯藥晝

夜不懈冰霜勵操苦而益堅夫叔郡庠生喬復巖憫其苦守無嗣爲繼一男一女室家之後不幸男女皆喪邑人悲之卒年六十三

鄭氏衛彩之妻結褵一載夫亡氏年十八歲家極貧誓死苦守撫堂姪罷兆爲嗣紡織度日迄後口齒愈積家亦漸饒

郭氏衛成清之妻夫亡氏方二十一歲痛無子女以堂姪則誠爲子事舅姑至歿盡誠盡禮家雖極貧無遺憾焉苦節三十三載

直隸霍州志

卷二十四

列女

七

張氏生員衛淑康之妻二十二歲夫亡子延泰方四歲氏冰蘖自矢課子及孫克成夫志子爲防禦所孫二廣已捷武闈壽臻八十五歲

王氏州同知侯建勳之妻上舍瓚之母夫亡時二十七歲翁姑衰老子瓚尙在抱氏堅貞自矢仰事俯畜迄無遺憾卒年六十九

張氏生員毛仕富之妻太學生毛天位母也夫蚤逝子方弱齡苦志成節孝事翁姑諸子成立家道寔昌年屆八旬猶紡織不倦通邑稱賢

程氏太學生賈元弼妻幼年喪夫遺子在抱氏焚香誓天以見志翁姑在堂孝養兼至及終大事盡禮子式山游庠猶女工不懈邑人賢之

籍氏太學生張際寅之母氏夫蚤逝家貧苦守孝奉翁姑孀居三十餘年辛苦備嘗教子克家邑人矜式

羊氏馬牧楊生隆之祖母蚤年喪夫孀居六十四年乾隆庚辰年已九十三歲鄉人奉爲佛母

喬氏廩生王夢臯之妻二十六歲孀居翁姑寢疾氏奉湯藥累月不怠撫諸叔成立里人賢之

直隸霍州志

卷三十四

列女

八

吳氏郭周鼎之繼室夫亡氏二十一歲上有翁姑遺孩在抱而家道艱難以紡績奉甘旨孀居三十餘載子旣成立孫亦完娶焉

劉氏生員衛樹本之妻二十六歲孀居事翁姑以孝聞子坤已入太學

衛氏廩生王廷獻之妻生員王濬王璠之母二十八歲孀居事孀姑三十餘年色養兼至教育二子辛苦備嘗現今姑年大耋子並令名蔣督學旌其門日節孝流芳

杜氏衛仰瑗之妻年十六于歸閱二載夫亡上有翁姑下無子媳勤於婦事以奉翁姑歷三十二年如一日今五十歲

席氏賈元升之妻夫亡氏二十三歲事翁姑盡心竭力及病祈神求代親嘗湯藥撫孤子正任成立列名太學年五十六歲卒

王氏申庭之妻夫蚤亡青年矢志白首全貞邑人稱之石氏郭世貴之妻年二十夫亡子女俱無家貧舅姑衰老氏冰蘖自矢紡績勤苦以養以葬七十七歲卒

直隸霍州志

卷二十四

列女

九

高氏鄭化隆之妻夫亡氏二十一歲並無子女立志守節撫胞姪又產成立已入邑庠

李氏張繼儒之妻二十五歲夫亡無所出安貧守節孝事翁姑取親戚子爲嗣焉

衛氏馬顯庭之妻二十七歲夫亡冰蘖自矢孝養翁姑撫子祀祖已入太學

范氏高顯富之母二十八歲夫亡苦節自守奉翁姑生事死葬教子成立壽逾古稀

盧氏生員張有容之妻夫亡冰蘖自矢姑趙氏病不能

起三載有餘衣不解帶食不甘味又有夫之庶母去室所遺子女撫育長大嫁娶盡禮通邑稱賢

張氏邑吏石珏石珽之母二十七歲夫亡苦志守節清操絕俗奉姑撫子賢聲遠播前令李詳請旌表

李氏生員宋長禧之妻二十三歲夫亡遺孤肇緒生方三月氏堅冰自矢孝事舅姑教子成立已游泮矣

楊氏喬顯宗之妻夫亡時年二十九歲遺子天貴甫生一日祖姑舅姑相繼云亡哀毀殞葬毫髮無歉繼姑遺子五歲撫育婚娶以嫂兼母邑人重之

劉氏賈漢弼之妻生員天錫之母夫亡天錫始生事姑盡禮訓子成立艱辛備歷苦節四十三年

李氏韓兆先之妻夫亡年二十七歲翁姑衰邁曲盡孝養子姪幼孤加意撫字苦節四十年

高氏韓大勳妻孀居三十五年冰霜亮節金石同貞教子呈秀義方是訓邑人賢之

甯氏太學生賈元英之妻夫亡氏年二十四氏矢志苦守孝奉翁姑子二學山鴻臚寺序班宗山內閣供事

陳氏太學生史奉德母年二十五夫亡勤苦自力孝慈

兼至

王氏孔昭妻夫故氏年二十一遺子繩先不滿一歲家貧堅志苦守以女紅度日已五十年矣

李氏生員盧永陞妻年二十夫故冰蘖自持奉舅姑曲盡其誠子讀書稍怠涕泣訓飭之子注遊庠有文名氏年五十歲猶勤婦事通邑賢之

張氏太學生籍班秩之母翁姑老病氏拭穢潔垢數月不怠夫故柏舟自矢治家內外嚴肅人皆仰之

張氏原任廣東安海巡司賈元母也生子三歲夫故堅貞苦節撫子登仕籍八十五歲卒

關氏籍澤溥妻生員上達母氏二十九歲孀居冰玉自持姑八旬餘病卧牀褥日夜服事艱苦不知今年已就衰猶勤婦事通邑稱賢

劉氏史國宰之妻夫亡氏二十四歲遺子如愷甫一周堅貞矢志奉舅姑撫孤穉康熙三十六年歲大饑氏出所藏粟賑濟不敷以簪珥變值繼之如愷娶媳毛氏年二十一歲如愷死毛氏矢志守節撫二子相武相成均入國學相武又蚤逝孫媳張氏方一十八歲

無出繼姪撫之成立三世苦節聞者悼心

衛氏張鵬集之妻生員衛珍女也十六歲于歸未及三載夫亡家甚貧兼無嗣冰霜自矢紡織以奉翁姑翁姑相繼卽世氏脫簪殯葬克盡其禮邑人賢之

郭氏董發貴妻太學生正直母氏夫亡年二十三歲遺子六歲誓志守節孝事翁姑撫育孤幼歷盡艱辛閱三十九載卒

張氏太學生劉教妻年二十五夫亡上事衰翁繼姑曲盡其孝撫三歲孤子備極艱辛後翁歿子亦相繼而

直隸霍州志

卷二十四

列女

十三

亡遺二童孫零丁孤苦氏與兒婦張氏勤紡織伴讀書雖老弗倦族黨皆賢之

衛氏內閣供事李汝桂妻廩生李龍飛母氏自二十七歲守志奉姑教子備極艱難督學使者蔣給畫荻遺風扁旌其門

李氏王紀之妻生員王甲年之母二十三歲喪夫事姑孝謹訓子義方守節四十二年

張氏上舍生楊澎之母夫故二十八歲貞心苦志以守孀幃舅染狂症姑老病卧氏每夜禱神願以身代撫

二歲弱息紡織不懈閱盡艱辛今子已列明經皆母氏教也守節三十八年

劉氏李大榮妻太學生李知母也二十二歲喪夫冰雪自持堅貞不變事姑孝教子義守節四十二載鄉里稱賢

劉氏楊生文妻生員皇鼎之母二十三歲夫亡孝事舅姑喪祭盡禮遺孤三歲恩勤鞠育教訓甚嚴今子孫俱有令名孀居六十餘載卒

湯氏鄭洪傑之妻二十五歲夫死家貧如洗勤紡織以自給教子明典有令名

直隸霍州志

卷十四

列女

十三

劉氏生員楊鐸之妻年二十四夫故苦節三十五載治家勤儉訓子斗南景南以義鄉里賢之

劉氏馬尙德之妻二十一歲喪夫遺子崇方數月矢志冰霜晝夜紡織以事舅姑孀居三十四年子若孫俱克守懿訓

孫氏廩生李銜旨妻蚤年夫故越三月生子汝檜家計蕭條翁姑垂暮氏冰霜自矢孝養皆出女紅孀居三十六載夏學憲給霜月孤貞扁以表其閭

衛氏西城兵馬司吏目劉滋之妻年二十六夫故遺子
惠遠方六歲家貧無依氏冰霜自矢孝事翁姑撫育
稚子備極艱辛年七十八歲 旌表如制

衛氏生員湯作賢之母明經任賢之繼母也蚤年喪夫
遺子甚幼氏守志撫孤慈愛無間所生守節四十九
年卒

高氏太學生楊雄之妻夫死氏二十九歲冰霜矢志仁
義居心以婦代子以母兼師守節三十六年 旌表
如制

毛氏生員湯以琬之母夫故氏年二十冰蘖自矢事翁
姑曲盡其道訓遺孤成名孀居垂六十年卒

何氏王功九之妻蚤年亡夫遺娠五月生子說冰霜荼
蓼以奉翁姑撫孤息歷三十六載現年六十三歲

高氏郭巖之妻生員鳴成母也年二十八夫亡京邸家
甚貧力苦積資以歸夫櫬奉孀姑訓孤子壽八十有
七

王氏候選縣丞張繩之妻夫亡氏二十二歲堅心守節
孝事翁姑遺子勤中方周歲辛勤鞠育以至成立孀

居五十一年

李氏衛瑁之妻生員官賢母二十二歲夫亡遺子三歲
冰霜自矢以奉翁姑撫弱息守節四十一年蔣學憲
給節孝揚芬扁以旌其門

劉氏生員盧鵬之母二十七歲孀居舅姑衰病氏紡績
奉養甘旨無虧篝燈教子女紅伴讀鵬遊庠大有雋
聲守節四十餘年卒

張氏衛觀進之母夫亡氏二十歲予方乳哺冰心苦志
紡績以奉翁姑撫遺媳孀居四十餘年

直隸霍州志

卷二十四

列女

五

郭氏宋顏之妻供事宋全禮生員宋全信之母年二十
六夫亡舅姑衰老孝事維謹二子幼穉教訓成名苦
節四十餘年 旌表如制

李氏韓大鵬之母夫亡時二十七歲家業蕭條矢志守
節翁姑衰邁曲盡孝養子姪幼孤加意撫字苦節四
十載

以上皆邑舊志

牛氏張廷秀妻年二十二夫亡欲以身殉人勸以舅姑
在堂乃止姑有疾氏親奉湯藥不衰教二子綦嚴旣

老猶夜績課讀翁卒年八十餘氏命其子營窀穸有二白鳥飛集墓所竟日不去人以爲孝感云乾隆五十五年 旌表如制

杜氏庠生樊若柏妻夫歿時年二十三事親撫姪人稱孝慈苦節三十年未嘗苟言笑嘉慶六年 旌表如制

衛氏庠生郭持笏繼室十九歲夫故日勤紡織以奉舅姑撫前室女及嗣子有恩誦讀針黹必親教之鄉人以爲賢嘉慶二十一年 旌表如制

賈氏監生晉志道妻事孀姑能先意承志姑有少女病氏恐傷姑心視湯藥必謹夫歿時氏年二十有七守志四十年教幼子有成嘉慶二十一年 旌表如制

趙氏監生楊鉅任妻夫死舅姑皆耄年氏代子職始終盡禮撫嗣子德寶教以義方飲冰茹蘖垂五十年布衣麤食未嘗言苦嘉慶二十一年 旌表如制

秦氏任雙明妻于歸時年甫十五未周歲而夫歿氏恐傷舅姑意每謁見必忍涕而進及舅姑歿哀泣盡禮撫嗣子恒炳嚴慈並用矢志食貧數十年如一日嘉

慶二十一年 旌表如制

賢媛

劉氏劉復鼎之女進士湯家相之冢媳選君佑賢之妻也康熙丁丑大饑選君偕季信賢緩租課加賑恤皆氏贊成之其地產半在馬牧孫等歲往取息氏命之曰余家食租馬牧歷汝數世勉哉毋墮前徽皆唯唯奉命至焚其券辛丑再饑甚於前氏食不下咽命急發粟曰吾寧疏水猶樂於膏梁也年九十登堂祝者千餘輩大半馬牧食恩者共勒石至今猶存

直隸霍州志

卷二十四

列女

七

晉氏新平知縣閻之相妻前庫大使烜之母姑蚤逝事舅盡禮待戚黨有恩歿之日聞者皆流涕

賈氏湯燦妻生員以瑗之母事舅姑盡禮非承命不敢私有取予燦祖母痿痺臥牀褥八載氏代姑奉事扶持抑搔寒暑不懈族黨稱之

劉氏上舍生賈遵法妻幼嫻內則事翁姑誠敬靡遺子鑑姪鑑今有聲庠序間多出於母教云

湯氏邑廩生張寬妻翁姑卽世夫弟六人俱未成立氏極力撫養贊襄完配邑人義之

王民生員衛邵之妻姑蚤亡夫弟妹幼穉竭力撫養以慰翁心子據理存理俱有文名

鄭氏太學生賈廟妻事繼姑色養兼至教五子成名行年八十不廢婦事

靈石縣

周

介母晉侯賞從亡者介之推不言祿祿亦弗及推將隱其母曰能如是乎與汝偕隱遂隱而死

明

直隸霍州志

卷五

列女

六

李氏周士輝妻年二十五夫亡無子守志四十餘年天順間旌表

王氏韓明倫妻明季旌表事跡無考

鄭氏吳海妻年二十三海業商覆舟溺水死氏奉養舅姑甚謹課子珉業儒紡績佐讀宵分不輟曰吾勤以相吾子令忘怠也孀居三十五載成化間旌表後珉舉進士官副都御史氏封太安人

冷泉四烈曹氏張熙妻段氏尚公信妻白氏張桓妻崔氏周瑞麟妻俱家冷泉鎮正德辛未流寇剽掠四婦

相攜避山峪中途賊羅執之四氏同聲詈罵賊怒殺之又同時有段氏者亦以不屈投井死有可以聞並賜坊表

崔烈女父名拱居冷泉年十五寇亂父母攜避北山洞中賊搜獲欲汙之不屈投崖死

喬氏兵備道宋之儁妻甲申之儁罵賊被殺氏觸階死其女殮屍畢拔簪刺頸死

周氏生員吳徽妻都御史吳珉子婦也年十六夫亡苦節五十餘年嘉靖間旌表

馮氏廩生王煌妻氏年二十四夫殉父叔難死無出姑哀痛欲死氏抱泣曰婦所以不死者以姑在也如姑死婦亦死矣然皆死則宗祧將誰寄乎姑爲收淚遂命撫堂姪席璘爲嗣迺上事衰姑下教嗣子境困姑老色養備至迨嗣子食餼而姑死矣氏痛泣幾絕喪葬盡禮歲時適墓而哭路人爲之泣下後康熙年間邑侯任給扁曰節孝名媛

牛氏舉人王之度母年二十五夫亡守節課子舉孝廉逆闖逼之仕母戒之曰母辱親負國度奉教不出

國朝授鄖陽判告歸終養

馮氏年十八適郭廷相之子甫一歲夫亡廷相受財強令改適氏潛至夫塚縊死樹上

翟氏生員王新命妻年二十夫亡翁姑令別嫁氏仰毒死奏聞旌表

李氏張朝明妻朝明被賊執火炙其身氏取衣拂火賊麾去氏奮不顧身直前撲滅賊怒殺之

房氏張公明妻年十九夫亡遺孤寶方週歲家道伶仃躬親紡績事姑克盡孝道教子寶仕學正壽八十七

直隸霍州志

卷三十四

列女

三

歲卒

耿氏房學妻學亡氏年十九歲遺孤友佩甫八月有惡姪逼使再嫁氏誓死不變撫子成立守節六十餘年邑令旌之

梁氏吳邦妻年十八夫亡生遺腹子家道甚貧父母欲令再適氏矢志不移後子亦亡而志節終無少變院憲旌之

李氏吳浩妻浩亡氏年二十九撫育幼子誓死守節五十餘年如一日享年八十卒

房氏張朝宗妻年二十七夫亡遺孤二長賢方五歲次
德甫二歲家甚貧乏氏自勤紡績教育二子俱爲縣
學生年逾八旬清苦如一日鄉人服之

段氏田興勝妻年二十一夫亡生遺腹子氏飲冰茹蘖
撫育成人守節六十五載卒

吳氏生員張詔妻詔蚤亡遺子中立等氏堅持志節訓
迪諸子各底成立孀居三十年學道給扁旌之

曹氏閻智臣妻智臣蚤亡氏茹蘖砥操子春妻吳氏亦
青年守節皓首不渝撫子國脉爲府學生

直隸霍州志

卷二

列女

三

田氏閻伸妻年十七夫亡遺子國祚甫四月氏事姑撫
子各盡其道後子甫十九歲而卒仍撫遺腹孫還醇
成立歷五十餘年都院白給扁旌之

王氏趙庭用妻年十九夫亡生遺腹子鳳桐撫育成立
苦節六十三載卒

吳氏王伸妻年二十五夫亡孝母訓子早入黌宮按院
徐錫扁旌之

李氏劉周南妻夫亡孀居四十年按院涂旌之

武氏燕遊春妻年二十夫亡甘貧守志撫子孝姑按院

旌之

梁氏廩生王純政妻夫亡甘貧守志歷三十年邑令袁旌之

趙氏王希舜妻年二十一夫亡能甘貧苦孝事舅姑始終不渝邑令袁旌之

曹氏張種妻年二十五夫蚤亡矢志守節紡績育孤伶仃弔影歷五十餘年知縣路一麟給扁旌之

任氏楊春先妻青年守節誓死不渝躬紡績而萱闈承歡忍饑餓而空閨弔影歷五十餘年撫子大壯身入

直隸霍州志

卷三十四

列女

三

縣學按院康喬皆給扁旌之

王氏程士鵬妻年二十一夫亡立志苦守始終不易知縣王錫扁旌之

楊氏閻思義妻出平陽府志事跡無考

國朝

劉氏生員王昌祚繼妻年二十六夫亡翁意令轉適氏志堅金石屹不爲動撫幼孤四炳煌燔燁皆伯叔之嗣其後者訓迪有方咸至成立雍正七年建坊旌表

馬氏王輔廷妻年二十五夫亡孝養舅姑撫育孤子守節四十七年雍正七年建坊 旌表

趙氏王守緒妻蚤寡遺子二俱客死異地次媳趙氏偕姑守志姑病割股療之歲旱施水渠一道有地者均食其利

趙氏王小虎妻年二十一夫歿矢志奉姑母欲嫁之氏自縊救免事姑病卒乃曰吾今可以死矣遂自盡

郭氏房可棟妻歸未逾年可棟流亡莫知所之旣而舅姑逝族人強之嫁氏堅執不從自縊死

直隸霍州志

卷二十四

列女

三

王氏房星耀妻年二旬星耀病臨終命更適氏泣曰是禽獸之不若也遂自縊以殉

張氏生員裴之龍妻夫亡遺孤未週歲父欲奪志誓死不從訓子成立有聲黌序八十四歲卒邑令旌之

王氏鄭之輔妻年十九夫亡無子舅姑俱歿遺孤叔甫四齡氏撫育之青年守節皓首完貞八十歲卒

關氏李所篤妻年十八夫亡遺子方數月家極貧甘心守節卒年九十二

郭氏趙時貞妻年二十二歲夫亡矢志守節門內嚴肅

若公府然七十一歲卒

何氏田野治妻年一十九歲夫亡守節家貧紡績撫前氏之子如已子子死撫孫始終不怠七十三歲卒知縣史知府徐俱給扁旌之

張氏李陽春妻年三十歲夫亡撫孤長如楠次如檜俱成名九十歲卒知縣史孟各給扁旌之一曰貞慈一曰懿範可風

梁氏趙元翰妻 和氏張炳然妻

張氏裴嗣航妻 裴氏郝維清妻

直隸霍州志 卷二十四 列女 二十四

張氏裴承緒妻 高氏王心孔妻

裴氏廩生梁肯構妻 崔氏廩生王精蘊妻

牛氏王斗日妻 鄭氏王慎躬妻

李氏吳一龍妻 燕氏曹珙妻

王氏宋顯任妻 梁氏田幡然妻

王氏何浩然妻 張氏曹天雲妻

牛氏梁雍妻

以上俱守志節出平陽府志無傳

閻氏劉勇聲繼妻夫亡氏年二十四歲撫育前氏之子

無異已出家貧紡績給養孀姑教子苦讀厥後入泮里族有孟母之稱乾隆三年題准 旌表

景氏薛毓麟妻夫亡氏年十九歲堅志守節孝養舅姑督教其子每夜篝燈針黹伴子讀書厥子蚤年入泮乾隆四年題准 旌表

梁氏生員吳良相繼妻年十九歲夫亡立誓守節奉事舅姑唯謹時方生子八閱月有勸以再醮氏卽毀容謝絕卒教子成立乾隆四年題准 旌表

何氏王之國妻夫亡氏年二十七歲家貧寒針黹奉養舅姑迨舅姑歿鬻地營葬孝義兼盡甘貧守正教子成立卒年八十八歲乾隆六年題准 旌表

張氏生員王之望妻年二十六歲夫故氏甘守淡泊侍養祖姑並舅姑勉奉甘旨未嘗少懈時孤子年未週歲卒教訓成立乾隆六年題准 旌表

趙氏童生翟之章妻夫亡年二十二歲夫故日姑亦歿惟舅在堂奉養惟謹撫子成立知縣卽扁曰冰心霜節闔邑士民扁日節孝可風卒年六十七乾隆八年

題准 旌表

王氏曹永祚繼妻夫亡氏年十九歲孝養舅姑撫前氏
二子與己子無異皆教訓成名節義兼盡歿年五十
七歲乾隆八年 旌表

梁氏廩生吳永齡妻年二十八歲夫亡矢志守節遺孤
僅六歲策勵就傅嚴令讀父書卒名列黌宮歿年七
十二乾隆三十二年 旌表

王氏監生吳鶴齡繼妻年二十歲夫亡遺孤尚在襁褓
保受教養奉事孀姑備至教子後能成立卒年五十
二乾隆三十二年 旌表

直隸霍州志

卷三十四

列女

三

田氏生員張廷銓妻年二十一歲夫亡哀慟立志與夫
偕亡以病姑無依遺孤尙幼乃勉事姑撫子辛勤不
懈後子人傑頗能自立乾隆三十八年 旌表

趙氏生員曹元塘妻年二十五夫亡遺孤方四歲矢志
守節撫孤子世承娶妻後亦病故婆媳相依并守苦
節乾隆三十八年 旌表

張氏曹世承妻夫亡氏年一十八歲孀姑趙氏以青年
守節實難氏卽堅守志節與孀姑相依奉事勤謹後
撫遺腹子旣長有室未幾亦卒乾隆三十八年 旌

表

張氏生員陳琚妻年二十八歲夫故矢志守節侍養翁姑教育其子後子若孫曾孫四世一堂人以為守節之報乾隆三十八年 題准給扁嘉獎

宋氏王衍璽繼妻夫亡氏年一十九歲事姑撫子辛勤備至迨子欽客天津病故妾李有遺腹子氏親赴天津扶柩歸并攜孤孫旋里教養成立今孫泰來現生三子家門復振里人傳為美談以為苦節之報乾隆三十八年 題准給扁嘉獎

鄭氏州同陳萬緯妻年二十三歲夫亡以夫囑親老弟幼氏克體夫心盡孝盡禮嗣子亦亡撫孫教養勤摯始終不怠乾隆三十八年 題准給扁嘉獎

趙氏王燦妻夫亡氏年二十三歲矢志守節敬事孀姑以紡績供養後撫子成立乾隆四十年 旌表

曹氏州同房廷堦妻年二十歲夫故孝事孀姑苦節教子遇盜捨命護姑尤為難得後子源清克自成立皆氏勤苦所致也乾隆四十一年 旌表

吳氏監生梁彩藻妻年二十歲夫亡謹事繼姑撫遺孤

教養備至性慈祥好施與爲里黨所稱乾隆四十一年 旌表

梁氏生員楊世模妻年二十二歲夫亡堅守苦節事祖姑盡道撫二孤零丁孤苦教以成名乾隆四十五年 旌表

楊氏生員王夢麟繼妻年二十五歲夫亡矢志柏舟姑年七旬無齒氏乳子後卽分乳姑貧苦供養撫二孤辛勤備至卒年八十六乾隆四十六年 旌表

曹氏監生梁健繼妻年二十五歲夫故立志守節事姑撫子家貧紡績事育始終無間言卒能教子成立乾隆四十六年 旌表

直隸霍州志

卷之四

列女

三

王氏梁熾妻夫亡氏年二十四歲家貧無子有諷以再醮者氏拒絕日勤針黹以事舅姑後繼子亦病卒婆媳相依撫孫度日乾隆四十八年 旌表

王氏梁思忠妻夫亡氏年一十九歲矢志守節與孀姑共處孝養勤謹教子成立乾隆四十八年 旌表

王氏儒童梁勝任妻年二十五歲夫故家貧守節服勞奉姑撫二孤教養辛勤卒以壽終乾隆五十二年

旌表

張氏貢生王中衡妻夫亡氏方十九歲姑老子幼誓死守節仰事俯畜恩義兼盡教子寓巖於慈卒能成立氏苦節之報也乾隆五十二年 旌表

曹氏王維城妻夫亡氏年二十一歲生一子未週歲誓死守節奉侍翁姑始終不懈俄遺子夭以堂姪錫繁爲嗣氏愛如己出比長爲娶妻閻氏生一子而錫繁又卒遺孫尙幼氏撫育艱難仰承色笑恐傷翁姑心里鄰咸稱頌之乾隆五十六年 旌表

閻氏曹氏媳也錫繁妻年十八歲夫亡生一子方週歲氏依姑撫子旋氏以哀慟病故乾隆五十六年 旌表

張氏王淮心妻夫亡氏年二十七歲以柏舟自矢奉侍病姑撫教弱孤孝謹純篤始終不渝乾隆五十六年 旌表

王氏梁繪辰妻夫亡氏年二十五歲夫囑孝養老姑撫育幼子氏承夫命柏舟自矢卒至姑終天年子克成立有孫四人皆業儒人以爲苦節之報乾隆六十年

旌表

陳氏梁澍妻夫亡氏年一十八歲堅守苦節奉事孀姑勤針黹以供日用教嗣子事寡嫂其嫂曹氏亦以柏舟共矢乾隆六十年建坊 旌表爲一門雙節

宋氏王宗禹妻夫亡氏年二十一歲捨天泣血如不欲生孝事翁姑先意承志又事繼姑撫教嗣子卒能成立氏之力也嘉慶二年 旌表

王氏程步青繼妻夫亡氏年二十四歲事孀姑藺氏備極孝養家貧紡績教子辛苦萬狀長子前室所生氏教同己子俱嚴督讀書有九熊畫荻之風後長子體常成進士官至郎中皆以爲其母苦節之報嘉慶三年 旌表

吳氏梁繪璿妻夫亡氏年二十一歲哀號成疾經年乃愈母老子幼家無恒產藉紡績以孝事孀姑教養幼子中介以致成立嘉慶三年題准 旌表

王氏生員申作賓妻夫亡年二十九歲號慟欲死承姑囑以撫孤節哀時子方在懷乃上事翁姑鞠育幼子又謹事繼姑撫育幼弟咸皆成立嘉慶四年 旌表

李氏張大恩妻夫亡氏年二十五歲事翁姑盡禮勤儉持家遺孤三歲愛護備至用能成立今有孫五人咸守規矩氏之教也嘉慶四年 旌表

吳氏何禹疏妻夫亡氏年二十歲以翁姑年邁節哀奉養旋遺孤復歿遂欲自縊以救解得甦後以堂姪巨楫爲嗣子嚴課讀書以紡績養給之爲鄉里所稱頌嘉慶五年 旌表

房氏任毓靈妻夫亡氏年二十二歲家貧以女紅給侍孀姑遺孤始四月撫教成立嘉慶五年 旌表

曹氏游擊陳企賢繼妻氏年十九歲夫亡矢志守節時孀姑年六十餘以喪子之故遂患癱疾氏奉侍湯藥禱以身代姑知病難愈勞之曰吾無以報孝婦也願爾將來得賢媳如爾之賢孝足矣氏適陳甫年餘未育前室遺孤德溥年未週歲氏撫如已出比長嚴督讀書乾隆庚子登賢書氏乃怡然曰子幸成立吾今乃告無愧於亡人矣人莫不欲表揚之氏曰吾不能從良人於地下抱愧多矣雖茹蘖飲荼婦道應爾何足稱頌聞斯言也人愈服其志節之誠嘉慶六年題

准 旌表

田氏王學海繼妻夫亡氏年二十五歲家道拮据以夫
生母在堂兩子俱幼遂翦髮矢志養母撫孤以紡績
供養嚴課子讀書今皆成立孫曾滿堂皆氏苦節之
報也嘉慶七年 旌表

冀氏生員王誠繼妻年十五歲于歸未半載夫歿哀慟
欲以死殉以翁姑言遂翦髮明志紡績作活孝養翁
姑視前室子如已出教恤備至後子以中年逝又撫
遺孫艱難萬狀聞者無不墮淚嘉慶八年 旌表

曹氏監生吳德乾繼妻年十九歲夫亡子幼翁姑衰老
乃節哀奉養辛勤備至今子已成立孫又滿堂人以
爲天之施報善人不爽也嘉慶十一年 旌表

王氏貢生何道興繼妻夫亡氏年二十三歲性至孝事
翁姑盡禮撫繼子賜綬訓以詩書勤紡績以爲延師
之資爰能成名氏之教也嘉慶十九年 旌表

田烈婦李友莆繼妻嘉慶六年友莆病篤子尙在襁褓
臨卒囑以撫養氏曰妾盡心撫養濟則夫之靈也不
濟則以死繼之是年子以痘症死氏遂墜樓卒時年

二十一歲嘉慶十一年題准 旌表

王氏高紹南妻夫亡氏年二十歲遺孤未週歲天殤遂自縊邊令扁旌之曰貞節流芳

李氏王國樞妻夫貿易在外病終平定扶柩歸未週七日氏縊於柩首知縣姚扁曰甘心從一親族並扁曰烈並翮金又爲詩以傳氏之苦節歿年二十四歲

景氏武恒妻年二十歲夫歿孀居教子守節卒年七十歲

張氏武光輝妻景氏媳也年十八歲夫亡與孀姑相依撫育遺孤孀居五十八年卒

楊氏何廷琳妻夫歿年二十四歲子何順年方齠稚矢志撫孤守節六十一年

余氏何順妻楊氏媳也年二十三歲夫亡止遺一孤與姑楊氏茹苦堅守五十一年時稱爲一門雙節

高氏張心賢繼妻夫歿氏年二十二歲生二子又撫前室子如已出勤苦撫諸子成立壽六十二歲卒

孫氏張存信妻高氏媳也年二十五歲夫亡遺孤六歲撫養成立守節五十七年姑媳繼美兩世苦節族里

憐其苦扁以旌之

張氏儒童翟翔止妻夫歿氏年二十六歲孝事舅姑撫教三子皆能成立守節四十四年親族扁旌曰白髮冰霜

裴氏翟冲宇妻張氏之媳氏年二十九歲夫亡撫育遺孤孝事孀姑姑媳相依守節四十五年

李氏廩生趙光淇妻夫亡氏年二十六歲家貧姑老子亡繼姪茹苦飲冰壽六十五歲卒

張氏趙梅妻李氏姪媳也氏年二十歲夫亡撫遺腹子

直隸霍州志

卷十四

列女

三

矢志守節孝事病姑訓子以繼書香可稱一門雙節
趙氏王泮妻年二十九歲夫亡家貧子幼辛苦撫育孀居五十年

張氏王履謙妻趙氏媳也夫亡氏年二十八歲遺子文中方四齡氏以媳代子以母兼師姑媳相依苦節三十八載卒

李氏楊蔚繼妻夫歿氏年二十二歲遺孤成業方二齡家貧苦節卒年七十五歲

王氏楊成業妻李氏之媳年十九歲夫亡孝姑教子兩

世守貞

趙氏故儒蘭清毓妻年二十六歲夫歿遺子輝先家貧紡績教子苦節四十八年鄉族贈扁曰貞節堪欽

高氏蘭輝先妻趙氏媳也年二十二歲夫亡孝姑撫子守節三十一年

張氏蘭百齡妻高氏之媳夫亡氏年二十一歲無子姑老無依矢志從一可謂一門三節

李氏喬大德繼妻年二十一歲夫歿姑老弟幼矢志靡他守節十九年卒

溫氏張心端妻年二十一歲夫亡無子立嗣子歿撫孫備極劬勞歷三十八載族人扁曰玉節冰瑩

梁氏裴斌妻年二十八歲夫歿遺子爾定未週歲苦心撫育得至成立今兒孫滿堂皆氏苦節之報也壽八十二歲卒

趙氏韓奮揚繼妻年二十五歲夫亡家貧勤苦孝養翁姑撫教孤弱以至成立壽五十二歲卒

房氏任續孔繼妻夫亡氏年二十三歲孝事孀姑教育前室子守節六十八載壽九十歲儒學扁曰鶴齡松

操

翟氏張洪義妻夫歿氏年二十九歲苦節撫孤始終如一
一歷四十五年卒

王氏陳适妻年十九歲夫歿青年勵節教養遺孤勞苦
致疾而卒

郭氏楊珽妻夫亡氏年二十九歲無子以姪純義承嗣
矢志勵守紡績自度壽七十九歲卒知縣彭給扁曰
心堅金石

張氏王瓚妻年二十八歲夫亡無子以族姪百齡承嗣
家貧勤苦上事孀姑下教嗣子壽七十六歲卒

曹氏張開富妻夫歿氏年二十七歲無子繼姪爲嗣撫
養成立親族送扁曰義綿宗祀壽六十五歲卒

陳氏李璋妻夫亡氏年二十一歲遺孤方三齡矢志撫
養得以成立節逾松柏老而彌堅壽七十九歲卒

藺氏段繼明妻氏二十九歲夫歿遺子永安幼稚氏矢
志上事翁姑下撫孤兒勤苦供養歷五十一年族人

扁曰彤管堪標

宋氏生員楊萬達妻夫歿氏年二十四歲矢志勵操孝

養舅姑撫教嗣子壽五十六歲卒

伏氏裴稽妻年二十八歲夫亡矢志靡他撫教嗣子艱苦備嘗親族扁曰松筠遠蔭

張氏陳生奇妻夫歿氏二十七歲遺孤方四旬矢志養育孝事老姑年七十九歲卒

任氏張思敬妻年二十四歲夫亡遺子方週歲克勵清操始終不懈壽六十三歲卒

張氏田榮九妻年二十九歲夫亡無子以姪田淑承嗣苦節教養歷四十八載

直隸霍州志

卷三十四

列女

三七

張氏翟奮翼妻年二十三歲夫故氏矢志茹苦孝翁姑撫幼弟喪葬婚嫁一身獨任復撫育遺孫辛勤備歷年五十九歲卒

燕氏王傳易妻年二十四歲夫歿孝侍舅姑劬勞訓子卒年八十一歲

鄭氏貢生李潤基妻年二十七歲夫歿矢志守貞吞糠茹荼撫教遺孤卒年八十七歲

藺氏陳思敬妻夫亡年二十七歲無子以姪鳳儀承嗣苦節四十載

梁氏趙攀鶯妻年二十二歲夫亡遺孤未週歲勵志撫養賴以成立卒年五十二

古氏監生房寧妻寧亡氏年二十六歲遺二孤皆幼孝事翁姑辛勤訓子歷三十五載病卒

趙氏陳清平妻夫歿氏二十一歲姑老子幼仰事俯育備極艱苦壽七十七歲親族扁曰松筠著節

羅氏孫宏富妻夫歿氏年二十三歲遺子幼稚紡績度日教子成立卒年七十九

田氏高輝字妻年二十三歲夫亡遺孤未週歲氏上事舅姑下撫幼弱茹苦食貧媳代子職寓嚴於慈貞操聞於鄉里卒年六十七

王氏何其适妻年二十八歲夫歿矢志靡他孝事舅姑撫教二子子亡仍撫幼孫歷苦節五十一年卒

陳氏梁希孟妻夫亡氏年二十五歲姑老子幼家道維艱茹蘗飲茶備歷劬苦鄉里扁曰心同金石年五十八歲卒

耿氏監生鄭時利繼妻夫亡氏年二十七歲節孝性成事姑撫子里黨同欽苦節三十七年卒

宋氏耿冕繼妻年二十八歲夫亡遺子甫二齡誓死鞠
育教訓成立壽八十歲卒親族扁曰竹節松年

楊氏儒士喬德昌妻夫歿氏年二十歲事姑訓子始終
不渝卒年六十一歲

何氏杜繼衍妻年二十二歲夫歿孝事孀姑慈育螟蛉
冰霜歷節卒年六十八歲

李氏吳金聲妻年二十七歲夫歿慈撫嗣子不啻已出
守節三十一年卒

吳氏梁繪聲繼妻年二十六歲夫歿紡績奉姑和丸訓
子卒年七十八

直隸霍州志

卷十四

列女

三

吳氏翟世瑄妻夫歿氏年二十八歲矢志無他教子成
立歷三十三載知縣龍給志節凌霜扁以旌之

汪氏生員王垂訓妻夫歿氏年二十九歲孝事翁姑慈
教孤兒後子瀏覃蚤遊黌序皆氏教誨之力也學使
童給扁曰苦節可風

李氏田積玉繼妻年十九歲夫亡孝敬翁姑慈訓前室
子得至成立守節五十九年親族匾曰松石流芳

張氏儒士王度妻年二十九歲夫亡甘貧教子守節三

十四年

翟氏儒士房世茂妻夫歿氏年二十九歲孝養舅姑教子成立歷五十一年

燕氏梁可美妻年二十六歲夫歿紡績教子孀居三十
五載人無間言

王氏李如芝繼妻年二十七歲夫歿氏事孀姑撫幼子
歷四十九載如一日

李氏田悟儒妻年二十九歲夫歿矢志茹苦教育遺孤
孀居四十九載

直隸霍州志

卷二十四

列女

四

曹氏從九郭賓繼妻夫歿氏年二十七歲遺孤尚幼辛
勤教養又孝事病姑始終盡禮親族送扁曰幽貞純
孝

王氏陳耀宗妻夫歿氏年二十歲遺孤方三閱月孝事
翁姑喪葬盡禮持家教子備極劬勞親友送扁曰冰
霜清潔

翟氏監生申作謀繼妻年二十五歲夫亡無子繼姪教
養成人孀居四十一年卒

張氏李起榮妻年二十七歲夫亡子春芳甫週歲勤苦

教育俾克入泮刻厲堅貞歷四十七年鄉里咸稱頌焉

郭氏王道淳妻年二十二歲夫歿飲冰茹蘗撫遺腹子孀居四十七年

張氏儒士祁景奚妻年二十三歲夫歿孝事舅姑慈撫姪嗣學使黃給扁曰心堅金石壽六十八歲

余氏梁元鳳妻夫歿氏年二十四歲無子繼姪教養成
人年五十二歲卒

何氏武璞玉妻年二十八歲夫故無子繼姪孝舅姑撫
直隸霍州志 卷三十四 列女 四

嗣子子亡撫孫得至成立年四十四歲卒

王氏監生陳峻德妻年二十六歲夫亡劬勞教子守志
二十八載卒

祁氏從九張德新妻年二十五歲夫歿矢志守節孝侍
盲姑始終如一慈教諸子皆能成立歷四十五年

王氏任鵬翔妻年二十七歲夫故遺子二人紡績度日
鄉人贈匾曰晝荻高風壽七十五歲

趙氏田秀儒妻年二十三歲夫故甘貧守志上事衰姑
下撫孤兒貞操冰澈親族給扁曰冰雪心操

耿氏王際輝妻夫歿氏年二十八歲甘貧守貞孝事舅姑始終無間

燕氏祁利廷繼妻夫亡氏年二十八歲孝事舅姑慈教前室子邑侯給扁旌曰淑慎柔嘉孀居四十年卒

李氏許廷芝繼妻年二十八歲夫歿矢志守節撫前室子成立備嘗艱苦年五十二歲卒

韓氏翟光泰妻年二十八歲夫亡矢志守貞晝耕夜織歷三十六載卒

段氏閻篤恭繼妻夫歿氏年二十五歲遺孤幼稚境困時艱孀居四十載人無問言

郭氏監生王憶妻年二十九歲夫歿家貧紡績撫孤成立前知縣胡給扁旌獎

閻氏宋繼濂繼妻年二十四歲夫歿姑老子幼矢志侍養歷三十九年卒

楊氏原愷妻夫歿氏年二十歲遺孤甫二月上事衰姑下養弱兒辛苦萬狀歷四十二年卒

郭氏楊春盛妻夫歿氏年二十九歲順意承姑慈撫諸姪歷四十九年卒

吳氏李兆麟繼妻年二十五歲夫亡甘心守節撫育前子不異所生四十五歲卒

南氏楊樟妻年二十八歲夫故遺孤未及一歲矢志靡他操同金石歷五十五年卒

梁氏吳世堂妻年二十七歲夫亡家貧姑老無子姪嗣婦兼子職勞瘁弗辭壽七十二歲卒

曹氏廩生武泰繼妻年二十八歲夫亡孝養翁姑撫孤兒積三十七載卒

楊氏張世昌繼妻年三十歲夫歿撫前室子如已出教

養成名

鄭氏楊芳林妻年二十七歲夫歿上事衰姑下育幼子苦節著聞

王氏宋興業妻夫亡氏年二十七歲家貧紡績事姑教子親族給扁一日節茂松筠一日貞莖凌霜

郭氏生員王堂琰繼妻年二十二歲夫歿食貧撫孤以綿嗣續歷三十載卒

祁氏張懷義妻年二十三歲夫亡遺子甫二齡矢志貞守積四十五年親族送扁日撫孤全節

王氏曹周衍妻夫歿氏年二十四歲勵節堅貞親族旌
曰純孝苦節

李氏康明倫妻年二十六歲夫歿遺孤方三齡甘貧守
志孝翁姑撫子女皆至成立積三十五載卒

尹氏溫法言妻年二十八歲夫亡孝事孀姑慈撫孤兒
歷四十六載卒

趙氏郝運泰妻夫歿氏年二十八歲禮葬翁姑訓育子
息以至成立今孫會玉立四世同堂皆氏苦節之報
也歷三十六載卒

張氏任封三妻夫歿氏年二十四歲遺孤方週歲守節
教子歷二十九載卒

邢氏張尙紳妻年二十六歲夫亡遺子鳴謙僅六齡氏
奉事翁姑撫育弱息得以成立歷四十一載卒

田氏郝建邦妻年二十二歲夫歿遺孤三齡甘貧守志
教育弱息歷二十九載卒

張氏曹繼周繼妻夫歿氏年二十八歲撫前室子如已
出勤劬教育子亡撫孫卒致成立孀居四十三載

溫氏尹勳讓妻年二十八歲夫歿遺子方週歲氏勤儉

紡績上事太翁姑及翁姑下撫弱息孝慈兼盡歷四十七載卒

燕氏廩生楊在泗妻年二十七歲夫歿守志甘貧侍奉舅姑克全節孝孀居四十二年卒

郭氏王君讓妻夫歿氏年二十九歲矢志守節孝事衰姑始終不懈孀居五十二載卒

翟氏儒士吳韶妻年二十一歲夫歿遺孤方三齡矢志育子上事舅姑曲盡婦道孀守四十四載

郭氏關廂里王兆鳳妻年二十四歲夫歿甘貧育子子亡育孫宗祀賴以不絕孀守六十載卒

李氏朱家圪塔村王兆鳳妻年十九歲夫亡翁姑衰邁矢志奉事晝夜紡績以供甘旨已而翁姑并逝喪葬盡禮孀守五十四載卒

韓氏華爾吉妻夫歿氏年二十八歲遺子尚幼矢志教育卒致成立孀居四十七載卒

孟氏尹述文妻夫歿氏年二十二歲遺孤幼弱甘貧守養歷三十五歲卒

張氏陳璫妻年二十四歲夫歿家貧無親撫養孤兒晝

夜針黹以給衣食鄉族欽之贈扁曰鶴壽松貞孀居五十五載卒

曹氏陳瓚妻年二十四歲夫歿孝事翁姑慈教嗣子子亡撫孫勤苦五十六載親族贈扁曰松筠節操

楊氏曹發英妻夫歿氏年二十六歲遺孤方三齡甘貧教子孀守五十八載邑令張給扁曰筠節清風

王氏王興妻年二十三歲夫亡無子守節以姪承嗣甘貧茹荼撫嗣成立孀居四十四載

溫氏陳光裕妻年十九歲夫亡上事翁姑下撫弱息孝慈兼盡孀守四十五載

董氏梁玉盛妻性至孝持家勤儉年二十四歲夫亡遺孤甫六齡茹苦撫孤始終不渝孀居四十四年卒

宋氏梁芳妻年二十七歲夫歿矢志靡他撫子成立孀守三十六年卒

朱氏尤立臣妻年二十六歲夫歿矢志守節勤苦撫孤卒年六十歲

牛氏趙世英繼妻年二十七歲夫故家貧守志事舅姑撫弱息紡績度日始終不渝孀居五十餘年卒

王氏張學誥妻年二十三歲夫亡家貧子幼矢志柏舟
親族扁之日松節竹筠

王氏溫知機妻年二十四歲夫亡撫遺腹子立志守節
奉養舅姑撫子成立孀居四十五年卒

喬氏孫文恕妻年二十六歲夫故矢節奉舅姑撫幼子
苦守四十四年壽七十歲卒

房氏生員趙世奇繼妻年二十四歲夫歿誓志守節不
辭勞瘁續以積勞成疾卒

房氏李正藩妻年二十九歲夫亡事姑訓子克盡其道
歷四十餘年如一日

直隸霍州志

卷二十四

列女

四七

段氏康元林妻年二十七歲夫歿家貧矢節撫子成立
卒年七十三歲親族祭告有得糠當米咬菜連根之
語道其實也聞者爲之泣下

楊氏藺名卿妻年二十七歲夫歿姑老子幼忍飢孝養
教子成立以綿宗祧孀居五十六年卒

劉氏康庫妻庫亡氏年二十六歲甘貧守節慈撫三子
皆至成立歷二十七年卒

郭氏董清超繼妻年二十一歲夫亡生遺腹子誓志無

一二紡績撫子孀居四十五年卒

田氏梁時妻年二十八歲夫亡甘貧撫孤歷四十五年如一日親族送扁曰撫孤成立

張氏梁善養妻田氏媳也年二十六歲夫亡姑媳相依撫養弱息備嘗艱苦親族爲製扁曰松節蘭枝

王氏宋學妻年二十八歲夫歿生二子尙幼矢志撫養皆至成立族中製扁曰高節邁倫

李氏生員田或妻年二十六歲夫亡生遺腹子立志撫孤紡績教訓歷三十五年卒

張氏王懷遠妻年二十一歲夫歿孝事孀姑撫姪承嗣姑歿喪葬盡禮訓飭子女俱得大體縣令張給扁曰冰霜並潔親族送扁曰寶婺生輝

張氏陳爾榮妻年二十八歲夫故家貧撫孤勤儉教養歷四十九年卒

王氏趙金考妻年二十二歲夫歿遺二子俱在襁褓而翁姑有二幼子氏矢志上事下撫皆盡其道家赤貧依伯父仰給以終焉鄉族爲送扁曰節孝可風

李氏梁繡雲妻年二十九歲夫歿孝事病姑撫姪承嗣

後姒舉子氏保護如已出以慰姑心不幸姒子卒氏
哀痛成疾病故

王氏梁勝任妻年二十五歲夫故孝事孀姑慈撫遺孤
積二十餘年志節不渝後因勞成疾卒

吳氏程憲寅妻年十九歲夫歿上事孀姑撫遺腹子辛
勤備歷始終如一苦節三十年卒

趙氏楊淳妻年二十一歲夫亡撫遺腹子矢志靡他教
子治家皆合法度孀守六十年知縣龍贈扁曰節堪
壽世

直隸霍州志

卷十四

列女

四九

羅氏續紹曾妻年二十歲夫歿守節撫孤歷六十年如
一日親友送扁曰節易孤難

武氏師存利妻年二十八歲夫歿遺孤九齡勤劬力作
撫教成立茹苦五十九年卒

張氏韓煤妻年二十三歲夫亡孤子甫四齡氏上事翁
姑下撫孤兒歷五十七年卒

王氏州同吳遜繼妻年十九歲夫歿遺腹生女擇繼續
嗣上侍翁姑下育子女皆至成立孀守五十九年卒
李氏曹德齊妻年二十九歲夫故遺孤四齡矢志守節

孝事孀姑慈撫幼子至於成立歷四十四年卒

燕氏曹文遠妻年二十四歲夫亡甘貧守節閱四十九年卒

任氏方生孝妻年二十一歲夫歿遺子方週歲安貧守義子夭撫孫孀居五十九年卒

李氏何澤民妻年十九歲夫歿遺孤方三歲守節撫育躬勤紡織歷五十五年卒

陳氏孫文福妻年二十八歲夫歿撫孤食貧始終如一歷四十六年卒

直隸霍州志

卷三十四

列女

五

張氏生員劉三策妻年二十一歲夫歿矢志守節上事孀姑撫孤成立歷五十二年卒

何氏任可甫繼妻年二十六歲夫歿家貧子幼矢志柏舟歷四十九年卒

王氏監生田九賦妾年二十八歲主夫歿無出矢志撫教嫡子至於成名氏之力也孀居五十六年卒

郝氏吳思聖妻年二十七歲夫歿撫孤成立茹苦五十六年

王氏張相清妻年二十四歲夫亡遺孤未週歲矢志撫

育子卒撫孫以至成立歷四十九年卒

劉氏閻積德繼妻年二十四歲夫歿無出撫前室子如已生子死撫孫以承嗣續歷四十六載卒

王氏監生何治漢妻年二十五歲夫亡遺孤未週歲矢志守節孝事舅姑撫教幼子時稱節孝

王氏李士璉繼妻年二十六歲夫歿無子繼姪紡績食苦矢志靡他孀守四十五年卒

任氏申嘉謀妻年二十七歲夫亡家貧無子繼姪承嗣孝事翁姑慈撫繼子以至成立孀居五十四年卒

直隸霍州志

卷二十四

列女

五

李氏張子恭妻年二十七歲夫歿食貧守志孝事舅姑教養二孤鄉黨稱其賢淑孀守六十五載壽九十三歲卒

王氏趙興郎妻年二十九歲夫故遺二孤撫養成立守節二十八載卒

弓氏嚴又惠妻年二十一歲夫歿守節撫孤紡績度日歷五十九載卒親族送扁曰節孝可風

趙氏趙寧晉妻年二十八歲夫歿茹苦撫孤二胞弟夫婦繼亡遺三子幼皆氏鞠養成立歷三十三載卒

任氏梁作哲繼妻年二十一歲夫亡無子以姪繼嗣事姑撫兒始終不渝歷五十三年卒

何氏監生吳君楷繼妻年二十五歲夫故生遺腹子並撫前室女教養成立勤劬肫摯

汪氏王作霖妻年二十一歲夫歿遺孤未週歲矢志守節孝事舅姑慈教弱息孀居三十載卒

沙氏薛芝旺妻年二十四歲夫歿矢志守貞事老姑撫孤兒以婦代子以母兼父劬勞備至歷五十一年卒親族贈扁曰鶴齡松貞

直隸霍州志

卷三

列女

五

李氏梁仰雲妻年十九歲夫亡青年孀守閨門嚴肅事姑教子各盡其道以勤勞病卒

梁氏武生王愷來繼妻年十八歲夫亡遺子甫二月甘貧撫孤勤苦備嘗不壽而卒

李氏李國彥妻年二十九歲夫亡無出以姪繼嗣禮葬翁姑教育嗣子孀居四十二載卒

楊氏雷奮妻年二十五歲夫歿勤儉持守始終不渝

張氏曹德華妻年二十九歲夫亡守節撫孤備嘗艱苦孀居三十四載卒

王氏郭屢忠妻年二十四歲夫故家貧子幼貞守逾堅
族黨爲贈扁曰冰清玉潔

王氏縣丞趙信妻年二十八歲夫歿時翁姑老邁矢志
孝養遺孤天亡繼姪爲嗣教之成立不異所生當時
有女中丈夫之稱孀居五十二載卒

楊氏曹德輔妻年二十九歲夫亡守節撫孤以至成立
歷三十六載卒

張氏閻世名妻年二十九歲夫亡遺子四齡甘貧撫育
始終如一壽八十三歲卒

楊氏張汝翼妻年二十五歲夫歿姑老子幼上事下育
皆盡其道貞守三十八載鄉人稱其賢教諭任給扁
曰鶴髮松心

李氏張羽翼妻年二十八歲夫歿無出舅姑在堂賴氏
守志奉侍後嗣姪爲繼禮葬二親訓教嗣子至於成
立孀居四十九年鄉人贈扁曰節堅松柏

陳氏梁璋妻年二十八歲夫歿矢志不貳奉事舅姑撫
育遺腹子以續夫嗣艱苦備嘗閱數十年如一日

劉氏吳洪圖妻年二十三歲夫亡無出以姪承繼撫養

周至克以成立守節四十二載卒

宋氏張友藝妻年二十二歲夫歿孝事舅姑以兄子承嗣苦志訓迪閱四十二載族人以扁旌之曰節壽雙美又曰皓首完貞

薛氏趙存祥妻年二十七歲夫亡遺子三歲氏躬親工作訓子成立孀居五十一載卒

王氏趙紹旺妻薛氏媳也年二十九歲夫亡遺子未週歲氏上事孀姑下撫弱息備歷艱苦鄉人稱賢

張氏郝亦義妻年二十七歲夫歿姑老子幼熒熒無依氏堅志守貞奉姑撫子皆盡其道後子夭撫孫壽七十四歲鄉里贈扁曰貞德麟孫

閻氏郝玉璋妻張氏媳也年二十九歲夫亡遺孤尙幼事孀姑養幼子克至成立今兒孫繞膝亦苦節之報也

張氏李發隆妻年二十七歲夫亡甘貧守志撫孤成立閱三十五載卒

南氏張僖妻年二十六歲夫歿甘貧守志奉事翁姑撫養子女歷數十年如一日

梁氏孟珩妻年二十四歲夫亡無出撫姪繼嗣以延宗
祧

吳氏田楓妻年二十七歲夫歿姑老子幼茹苦事育鄉
里贈匾曰淑德清操

梁氏郝一伉繼室年十八歲夫歿家貧無出撫前室子
氏係儒家女頗通文墨訓子義方有晝荻之風

陳氏房思聰妻年二十四歲夫亡遺子方週歲家貧教
子以至成立

王氏監生陳光烈妻年二十三歲夫歿矢志守節奉翁
姑撫子媳歷久彌堅

郭氏監生房國光妻年二十七歲夫歿順事衰姑茹苦
教子壽臻八旬無病而終

王氏郭鍵妻年三十歲夫歿勤儉持家日事紡績積有
百餘金念族中丁稀捐出爲戶中需用族人感之爲
贈匾曰德庇宗支邑令龍給匾曰松操鶴算

張氏吳永祿妻年二十歲夫出外無踪氏守苦節奉養
翁姑喪葬盡禮苦守五十二載病卒族人送匾曰完
全貞節

李氏楊芹妻年二十六歲夫歿家貧茹苦事翁姑撫弱
息孀居四十三載卒

郝氏張溫妻年三十歲夫亡生有二子幼兒孀婦山居
無親氏日事針黹訓養辛勤鄉里賢之

景氏郝隆詔妻年二十六歲夫亡生遺腹子姑老子幼
紡績度日撫子成人

曹氏監生程生灼妻年二十四歲夫亡上事衰姑下養
幼子矢志靡他親族送匾曰節孝兼優

張氏儒童趙中潤妻年二十五歲夫亡家貧子幼苦節
直隸霍州志

卷二十四

列女

五

堅守

楊氏王躬肅繼妻順治十六年有匾曰割股愈姑係知
縣徐縣丞李爲王門孝婦楊氏立其事跡不可考

武氏遊擊何道深妻年二十一歲夫從征緬甸陣亡生
遺腹子膺綬矢志守節孝事衰姑慈撫幼子歷二十
九年卒親族送匾曰松筠節操又曰全忠節孝道光
三年 旌表

屈氏溫又威妻年十九歲夫歿遺孤方二齡甘貧守志
始終不懈

武氏張鵬翼妻年二十六歲夫歿無出矢志靡他撫育
嗣子勤劬備至

嚴氏溫達文妻年二十七歲夫亡孤子方四齡貞守撫
子得至成立

何氏監生雷青雲妻年二十四歲夫歿甘貧撫孤孀守
三十三載卒

李氏陳萬倉妻年二十五歲夫亡守志養子以至成人
親友送匾曰貞節流芳

任氏崔賢妻年二十八歲夫歿家道寒苦撫孤成立

直隸霍州志

卷二十四

列女

五七

孔氏吳天佑妻年二十九歲夫亡矢志守貞撫子成丁
孀居三十一載卒

梁氏監生劉克剛繼妻年十九歲夫亡撫前室子力勤
課讀仁厚好施族黨賢之

楊氏董元超妻年二十四歲夫亡事姑撫幼貞守六十
六載卒

武氏劉琰妻年二十二歲夫歿遺子五歲甘貧苦守事
翁姑養弱息孀居五十六載卒

郭氏張集義妻年二十歲夫亡家貧苦守事衰姑撫幼

子孀居四十載卒

李氏楊茂林妻年二十一歲夫歿遺子二齡矢志守貞事孀姑撫幼子始終不渝親族贈匾曰節孝可風

原氏李國貴妻年二十八歲夫歿遺孤方週歲矢志守節上事翁姑下撫弱息教養成人

曹氏王伸妻年二十七歲夫亡矢志守志上事七旬老姑下撫五月孤兒食貧力苦子死撫孫始終如一

王氏監生牛儒芷繼妻年十八歲夫歿事舅姑撫前室子克盡孝慈人無間言知縣蔣給匾曰松筠節操

直隸霍州志

卷二十四

列女

五

趙氏王秉智妻年二十八歲夫歿家貧無資矢志守節事翁姑撫幼子歷盡艱苦鄉里以節孝稱之

郝氏閻純泰妻年二十三歲夫歿遺二子皆幼姑因哭子喪明氏晨昏敬養克盡婦道教子嚴肅用皆成立

學使黃給匾曰飲冰畫荻

李氏王元堂妻夫歿氏年二十四歲翁姑衰老子甫五齡家計甚艱氏仰事俯育竭盡勤劬茹蘖飲冰節操

益勵現年六十四歲嘉慶二十一年 旌表

王氏何鴻綬妻年十六歲夫亡甘貧守節敬事翁姑慈

撫繼子初終不懈嘉慶二十一年 旌表

王氏閻鵬翱妻年二十三歲夫亡矢志守節勤儉持家
事舅姑撫幼子孝慈兼盡

張氏監生王東閣妻年二十二歲夫歿遺子週歲翁姑
老邁姑兼患瘡疾氏上事下育各盡其道宗族以賢
孝稱之

陳氏溫岐山妻年二十三歲夫歿姑老子幼矢志守貞
卒能禮葬其親成立其子

翟氏武作師妻年二十三歲夫歿孝姑教子並撫孤姪
勤劬備至

田氏劉學禮妻年二十五歲夫歿子方週歲翁姑衰老
氏矢志不移後二老壽終子亦旋歿擇同宗子爲孫
以延夫嗣

藺氏楊周繼妻年二十八歲夫亡甘貧苦守事孀姑撫
弱息孝養備至

張氏續常書妻年二十四歲夫亡遺孤方四齡家寒祚
薄矢志堅守上事祖翁姑下撫弱息支持家計備極
勤劬學使黃給匾曰節備孝慈

溫氏尹開金妻年二十三歲夫亡遺子未週歲翁姑年老氏甘心苦守上事下育始終不渝

馬氏布政司理問耿逢源繼妻年二十三歲夫歿止生一女前室子三人尙皆幼穉氏苦節撫教如己出三子賴以成立鄉里咸稱之

張氏牛漢妻年三十歲夫歿孝事孀姑持家勤儉

張氏監生任毓成繼妻年二十七歲夫歿矢志靡他事孀姑撫弱子督教寓嚴於慈後子守禮遊庠食餼皆氏教誨之力也

直隸霍州志

卷三十四

列女

卒

張氏儒士宋文煥繼妻年二十八歲夫亡遺子方週歲堅守苦節孝翁姑訓幼子鄉黨咸稱其賢淑

祁氏曹沂妻年二十九歲夫亡無出立志守節事孀姑撫繼子以延夫嗣

張氏武生梁子亨妻年二十六歲夫亡甘貧撫孤教訓成立

韓氏翟凌青妾年二十九歲主夫歿生二子俱幼守志教養不事姑息曾遇歲饑命子姪等出三百餘金以賑貧乏尤爲婦人所難

張氏田逢霖妻年二十九歲夫亡性慈孝曾割臂以愈翁膈疾督教遺孤用登辛酉科鄉薦

郝氏王立基妻年二十九歲夫亡家貧守節親老子幼上事下育並盡心力

宋氏王世亨妻年二十四歲夫歿苦守節操撫子成人
王氏監生梁集鵬妻年二十九歲夫歿親老子幼奉親撫子備極勤劬

杜氏附貢王日旦妾年二十八歲主夫歿子在襁褓毀容自矢保全弱息以繼宗祧

直隸霍州志

卷二十四

列女

空

鄭氏王鴻緒妻年二十九歲夫亡謹事翁姑鞠育孤兒矢志不移

趙氏楊汝賢妻年二十六歲夫歿孝事病姑慈撫弱息鄉族有孝婦之稱

荀氏武殿元妻年二十八歲夫歿事瘋姑養孤兒辛勤不倦

王氏監生趙暉樞妻年二十八歲夫故謹事衰姑慈撫幼兒鄉族稱之無異言

李氏裴德潛妻年二十六歲夫歿遺孤方三齡矢志撫

教用克成立學使黃給匾曰柏節蘭芬

李氏王青雲妻年二十七歲夫亡矢志撫孤始終不渝
宋氏趙理法妻年二十四歲夫亡守養二子成立誓志
靡他

閻氏楊沛霖妻年二十七歲夫故遺孤方二歲甘貧守
節撫子成人

張氏張茂成妻年二十五歲夫歿奉侍翁姑安貧撫子
子死撫孫矢志不二

馮氏監生王奇操妻年二十二歲夫亡甘貧守節撫孤
成人親族爲贈匾曰萱壽蘭清

宋氏廩貢生陳萬達妻年二十九歲夫亡青年守節矢
志撫孤里族有賢淑之稱

翟氏陳永佐妻年二十二歲夫故矢志守貞上事舅姑
下撫孤兒族中欽其清操以守節永貞匾旌之
辛氏孔希冉妻年二十五歲夫歿甘貧守志撫孤成立
不幸旋夭殊堪矜憫

宋氏王世成妻年二十六歲夫亡茹苦撫孤至於成立
吳氏監生梁調鼎妻年二十七歲夫歿無出姑老家貧

繼姪爲子矢志靡他

馬氏張宗亮妻年二十四歲夫亡止生一女繼姪爲嗣
零丁孤苦矢志彌堅

薛氏王肯堂繼妻年二十六歲夫亡安貧守志始終不
渝

張氏生員楊聯桂妻年二十四歲夫歿止遺一女上有
翁姑氏乃節哀孝事左右服勤一時鄉黨莫不爭羨
曰有媳當如楊孝婦云

范氏孫時敬妻年二十九歲夫歿姑老子幼境困時艱
氏以媳代子以母兼師

鄭氏王瑄妻年二十一歲夫亡矢志靡他子死撫孫心
苦節堅

張氏王天相繼妻年二十四歲夫亡家貧勵節孝事翁
姑撫養二子皆克成立

郭氏任世魁妻年二十六歲夫亡遺子方二歲家貧無
業氏茹苦撫養以延夫嗣

邢氏增生闕應槐妻年二十八歲夫故舅姑年邁二孤
方幼甘受苦節上事下育旋二孤相繼夭殤以堂孫

承嗣

張氏房殿臣妻年二十五歲夫亡家赤貧子方週歲氏紡績度日矢志靡他撫孤成立

房氏監生程發都妻年二十五歲夫歿無嗣孝事孀姑擇姪承嗣鄉黨咸稱節孝學使黃賜匾曰矢志冰清李氏楊保林妻年二十八歲夫歿撫養遺子子死又撫遺腹孫苦志不渝

屈氏劉清泰妻年二十七歲夫歿無出以姪承嗣撫養成立

直隸霍州志

卷十四

列女

忠

劉氏燕桓妻年二十七歲夫歿甘貧守志婚嫁子女皆氏支持

曹氏梁璞妻年二十二歲夫亡遺孤未週歲矢志守貞撫孤成立

閻氏吳君桂妻年二十九歲夫歿奉養孀姑撫育嗣孫闡政支撐茶蘖萬狀

楊氏張付智妻年二十八歲夫歿遺孤數齡翁姑衰邁氏上事下撫各盡其道

房氏張靄妻年二十四歲夫亡矢志靡他孝事舅姑慈

撫弱息

王氏李如楷妻年二十八歲夫亡誓志守貞咽糠茹苦
撫養遺孤以至成立

陳氏武炳文妻年二十八歲夫亡甘貧撫孤勤儉持守
郭氏張秉彛妻年二十八歲夫亡姑老家寒子女俱幼
氏誓死守貞上事下育支持家計鄉里欽服

溫氏師俊傑妻年二十七歲夫亡遺子甫週歲家寒莫
支氏躬勤紡績事翁姑撫弱息鄉黨稱爲賢淑

田氏李卓妻年二十二歲夫亡矢志守節孝事翁姑子
夭撫孫苦歷四世以延夫嗣

任氏監生王師濂妻年二十二歲夫亡無出以翁姑衰
老矢志守節孝事二老以終餘年

原氏王丕顯妻年十九歲夫亡青年守志孝事翁姑慈
撫子女

楊氏曹翊妻年二十九歲夫亡甘貧守節孝事翁姑教
訓次子克繼書香族中爲製匾曰松筠鶴算

李氏王世芳妻年二十四歲夫歿遺子未週歲矢志守
貞教養成立

武氏監生田惠生妻年二十八歲夫歿翁姑俱逝守節撫孤以至成立

燕氏田世坤妻年十九歲夫亡生遺腹子甘貧守志上奉翁姑下撫弱息子亡撫孫心境彌苦志節愈堅

陳氏王淑士妻年二十四歲夫亡遺子方數月矢志撫教終至成立

梁氏李顯章妻年二十四歲夫歿翁姑蚤逝茹苦守貞撫孤成立里稱賢淑

劉氏嚴元成妻年二十歲夫歿躬勤紡績矢志撫孤

直隸霍州志

卷之四

列女

六

范氏溫常亮妻年十九歲夫亡遺孤方數月食貧守志奉事翁姑教養弱息

趙氏李述本妻年二十五歲夫亡矢志事姑撫養孤子子殤繼姪始終不渝

吳氏張思溫妻年二十八歲夫歿無出以姪承繼矢志靡他

王氏趙鵬萬繼妻年二十四歲夫亡無出矢志事翁姑撫姪爲嗣

陳氏趙萬榮妻年二十九歲夫歿孝事翁姑慈撫子息

卒至成立

梁氏張翔翼妻年二十四歲夫故家貧守志事翁姑撫弱子備極艱辛

王氏閻青山妻年二十一歲夫故甘貧守節服事翁姑教養子嗣皆至成立

郝氏韓文壯妻年二十二歲夫歿翁姑年邁遺孤幼穉勤儉支持始終不懈

張氏李國祿妻年二十八歲夫歿事翁姑撫弱息人以賢孝稱

直隸霍州志

卷二十四

列女

二十七

王氏生員閻良相妻年二十九歲夫歿甘貧守節慈以撫孤鄉鄰稱其志節

王氏王蘊綿繼妻年二十九歲夫故撫前室子與已子無異十指拮据以孝以養

燕氏韓泰豫繼妻年二十一歲夫亡矢志撫孤孝事病姑盡心不懈姑歿喪葬盡禮人無間言

陳氏生員宋家璉妻年二十九歲夫歿上事孀姑下撫遺子克勤克儉老而失明苦節可憫

孟氏梁振緒繼妻年二十五歲夫故撫養前子視同已

出勤劬備歷矢志靡他

曹氏武生王蘊芳妻年二十二歲夫歿無出孝事翁姑
慈撫嗣子親族送匾曰志堅金石

王氏楊泗林妻年二十九歲夫亡甘貧守節撫孤成立
吳氏張鵬翔妻年二十四歲夫亡家貧無子矢志守節
以姪承嗣嗣子亦卒仍撫遺腹孫以至成立族黨爲
贈匾曰松筠雅操

梁氏薛滋莢妻年十八歲夫歿姑以青年無出勸其改
適氏誓以死守奉事翁姑始終不懈

直隸霍州志

卷二十四

列女

六

耿氏王佐清妻年二十七歲夫歿事姑撫子初終如一
張氏李克明妻年十八歲夫亡矢志不二敬事翁姑撫
育嗣子以承宗祧

張氏吳顯業妻年二十八歲夫亡勤紡績撫遺孤迄今
五十一載

王氏郝文元妻年二十七歲夫故事病姑鞠幼子鄉里
稱賢贈匾曰節壽兼隆

雷氏薛鵬飛妻年二十七歲夫故守節撫子已逾五十
載

王氏燕琮妻年二十六歲夫亡舅姑老病遺孤三齡氏
仰事俯育貞操益勵

王氏宋賓妻年二十八歲夫歿翁姑衰邁遺孤五齡氏
甘貧守貞竭盡孝慈

宋氏王六龍妻年二十四歲夫亡家貧子幼舅姑年邁
氏上事下育各盡心力

梁氏房蟠鳳繼妻年二十五歲夫亡甘心同穴矢死靡
他撫育嗣子不異所生

高氏監生房源清繼妻年十九歲夫亡辛勤備歷甘心
守節已閱四十餘年

楊氏從九李應仁妻年二十四歲夫亡遺孤在抱撫棺
矢志奉姑訓子始終不渝

梁氏王文泰妻年十八歲夫亡無出繼姪爲嗣事繼姑
撫幼子日勤針黹恬守自如

梁氏董文貴妻年二十四歲夫亡家貧如洗苦守不移
任氏趙國賢妻年二十四歲夫亡遺孤甫二齡矢志守
貞茹苦不厭今五十五歲

以上皆邑舊志

張氏州同何道凝妻年二十八歲夫亡孤老子幼仰事
俯育備極艱辛守節三十七年嘉慶二十五年 旌
表

何氏陳德涵妻賦性貞淑十六歲于歸未期年而夫歿
矢志守節孝事舅姑撫姪奕熙爲嗣教訓成立歷三
十三年卒道光四年 旌表

申氏梁元燾繼妻封恭人事姑以孝聞食至先嘗衣垢
親滌鞠育前室子女無異所生待羣從子姪俱有恩
悌妯之間怡怡如也二十九歲夫亡守節三十五年

直隸霍州志

卷二十四

列女

七

卒

李氏馮學說妻年二十二歲夫亡孝事翁姑慈育孤子
苦節五十五年

趙氏尹沔羅之妻年二十一歲夫亡遺一子家赤貧族
人屢次逼嫁氏以死自誓沿門乞食撫孤成立現年
七十餘

郝氏生員梁中義妻年二十七歲夫亡遺二子家業蕭
然上事舅姑下撫孤子孝慈兼至歷今三十餘年

王氏監生郝詔元妻年二十二歲夫亡矢志守節事舅

姑克孝撫前室子如已出歷今四十餘年

賢媛

耿氏陳三儀妻性至孝會歲祲姑病割股療姑飢盜至氏隻身獨守衛姑禦賊賊感之戒勿犯知縣耿表其閭曰純孝可風

楊氏宋明金媳也明金病貧不能醫氏割股和羹以進病旋愈

李氏張國璧妻家甚貧夫臥病一十三年毫無怨色撫子成立鄉里賢之

馮氏梁元熙妻嘉慶年饑捐賑銀一千七百兩

溫氏王慶來妻嘉慶年饑捐賑銀二百兩

李氏郝運亨妻夫亡無子撫週歲姪峻山爲嗣及長子婦相繼逝遺襁褓孫三人家赤貧倚紡織以活篝燈達旦者七十餘年今九旬餘猶機杼不輟云

李氏鄭時慶之繼妻賦性貞淑十五歲于歸撫前室子如已出姑患癱疾四肢不舉氏朝夕扶持親奉湯藥衣不解帶十餘年如一日閭里咸稱其孝焉